
WER NE
JEHOVA
GI MOR

WE CHE KENDE

WER NE JEHOVA GI MOR

—1 WECHÉ MAG NDALO 15:16

WECHÉ KENDE

Nying

Kanyakla

**Bugni ok en ming'iewo. Ogoye mondo okony tich madhi nyime mar puonjo Muma
e piny mangima, kendo tijno itimo kokalo kuom chiwo ma onge achune.**

Ka diher golo chiwo, dhi e websaitwa mar www.jw.org/luo.

*Wer ne Jehova gi Mor—Weche Kende
“Sing Out Joyfully” to Jehovah—Lyrics Only
Gocho mar Jun 2018*

Luo (sjjyls-LO)

© 2017

Watch Tower Bible and Tract Society of Pennsylvania

Joma Ogoyo Bugni

Printed by Watch Tower Bible and Tract Society of South Africa NPC,
1 Robert Broom Drive East, Rangeview, Krugersdorp, 1739, R.S.A.

Made in the Republic of South Africa
Ogoye South Africa



sjjyls-LO
180615

Indeks mar Thuond Weche

<i>Jehova</i>	1-12
<i>Yesu/Rawar</i>	13-20
<i>Pinyruoth</i>	21-24
<i>Jokristo Mowir kod Rombe Mamoko</i>	25-27
<i>Winjruok gi Jehova</i>	28-40
<i>Lamo</i>	41-47
<i>Chiwruok</i>	48-52
<i>Tijwa mar Lendo</i>	53-84
<i>Chokruok Kanyachiel</i>	85-93
<i>Muma</i>	94-98
<i>Riwruokwa mar Owete</i>	99-103
<i>Kido mag Joma Oluoro Nyasaye</i>	104-130
<i>Joot/Osiepe</i>	131-138
<i>Geno Marwa</i>	139-147
<i>Resruok/Chier</i>	148-151

1

Kido mag Jehova

(Fweny 4:11)

1. Jehova Nyasachwa ma nyaka chieng',
Ichiwonwa ler koda ngima duto.
Chuechni duto nyiso teko maduong',
Polo koda piny lando pakni.
2. Lochni ichungo gi tim makare,
Wamor kwamako chike mipuonjowa.
Kwasomo Wach ma ne indikonwa,
Waneno rieko mari maler.
3. Kiti maduong' chuth en hera mari,
Ichiwonwa mich ma oa e polo.
Wamor paki kuom mich mimiyowa,
Walando nyingi ndalo duto.

Nyingi En Jehova (Zaburi 83:18)

1. Nyasaye mar adier—
 Mochueyo piny gi polo
 Kuom tienge duto e piny—
 Nyingi en Jehova.
 Wamor kendo wail
 Bedo e kanyakiani.
 Kendo walando duong'ni,
 Ne ji duto e piny.

(KORAS)

*Jehova, Jehova,
 In Nyasaye kendi.
 Onge moro man e polo
 Kata e piny duto.
 In Nyasachwa man gi teko,
 Ji duto nyaka ng'e.
 Jehova, Jehova,
 Adiera in e Nyasachwa.*

2. Imiyo wabedo

Gigo duto midwaro,
Mondo watim dwareni—
Nyingi en Jehova.
To wan Jonenoni
E kaka iluongowa.
Wamor bedo jotiji—
Miluongo gi nyingi.

(Koras)

3 *Jehova e Tekowa Kendo e Genowa* (Ngeche 14:26)

1. A Jehova, isemiyowa
 geno maber gadier.
Wadwaro wanyis ji duto
 Geno mimiyowa.
To seche moko waparore
 omiyo wabet maluor;
To mano miyo genowa
 chako dok chien mos mos.

(KORAS)

*Nyasachwa tekowa,
 kendo genowa.
Gik ma remowa ichiwo.
Walendo, wapuonjo,
 wabedo gi chir
nikech wageni, in kendi.*

2. Jehova Wuonwa, med konyowa
wiwa kik wil kodi,
Nikech in misemiwa hoch
sama wan gi chandruok.
Mano wach madier ma tegowa,
wabedo gi mor madier
Kendo chunywa bedo gi chir
ka walando nyingi.

(Koras)

4

“Jehova e Jakwadha”

(Zaburi 23)

1. Jehova Ruoth e Jakwadha;
Otelu to aluwe.
Ong'eyo maber gombona te
Ong'eyo chan maga te.
Otaya e lege mokuwe,
Anindo ma ok aluor.
Enotaya pile gi herane
Abedo ma ok aluor.
Otaya pile gi herane.
Abedo ma ok aluor.
2. Yoreni duoko tekona,
Gin yore tim makare.
Asik ka awuotho gadiera,
Awuoth mak awayo yo.
E hoho mar mudho kenda;
Imiya abet mojing'.
Ok aluor masiche maromogo,
Nyasacha nobed koda.
Aluor masiche nikech ang'o
Ka Nyasacha ni koda?

3. Jehova, in e Jakwadha;
Itelo to aluwi.
Imiya teko, imiya kuwe;
Imiya gik madwaro.
Ageni gi chunya duto,
Isiko ma nyaka chieng'.
Herani mang'won mondo oluwa
E ngimana duto te.
Herani mang'won biro luwa
E ngimana duto te.

5

Gik Mabeyo Miwuoro ma Nyasaye Ochueyo (Zaburi 139)

1. Nyasaye ing'eya maber chuth,
Sama anindo kata ka achiew.
Inono pacha gi gik me i chunya,
Ing'eyo weche ma wacho, gi yorena.
Ka ne pod an e ich ninena,
Chokena duto bende nineno.
Nindiko piny fuondena duto bende.
Ahero chuechni miwuoro, gi tekoni.
A Nyasaye riekoni lich miwuoro;
Mano ang'eyo gadiera chutho.
Kapo naluor ni mudho biro ima,
Nyasacha rohoni biro nwang'a.
Dapond kune yaye Jehova,
Kata dabut kanye mak inena?
An ok dapond e polo kata e liel,
Ok anyal pondo e mudho kata e nam.

6 *Polo Lando Duong' mar Jehova* (Zaburi 19)

1. Polo lando ne ji duong' mar Jehova.
Waneno e polo tije mag lwetene.
Odiechieng' kodiechieng' kelone pak.
Sulwe mag otieno lando
Teko gi herane.
2. Chik duto mag Jehova duogo chuny ji,
Weche moparonwa konyo e tayowa.
Buchene gin adiera makare.
Chikne ler, Wachne en adier,
Gimit kwawachogi.
3. Owinjore wamiye luor mosiko.
Chikene beyo te molooyo dhahabu.
Gitayo kendo girito joge.
Wamiye luor duto gi duong',
Warit nyinge maler.

Jehova En Tekowa

(Isaiah 12:2)

1. Jehova ma jang'wono tekowa,
Imiwa mor nikech in Jareswa.
Walando oteni, wan Joneno,
Kata giwinj kata gitamore.

(KORAS)

*Jehova Lwanda, in wuon tekowa,
Walando nyingi pile pile.
Jehova Lwanda, Manyalo Duto,
In e kar butowa; Ohingawa.*

2. Wan jotichni wamor kod ler mari;
Wang'wa oyaw wane adierani.
Wanono Ndiko wawinj bucheni;
Wayiero Pinyruodhi, kar genowa.

(Koras)

3. A Nyasaye wamor timo dwachi.
Kata Satan jarwa, pod wageni.
Kata onegowa, yie ikonywa
Mondo wachung' motegno kor Lochni.

(Koras)

8

Jehova En Kar Bwokwa

(Zaburi 91)

1. Wageng're kuom Jehova,
Wagene nyaka chieng'.
Wabwok e bwo tipone;
Nyaka wadong' kuno.
Wanyalo geno tekone,
Nikech obiro kedonwa.
Jehova en ohinga,
Joma kare yudo kar bwok.

2. Ji gana podho butwa
Jo moko e bathwa,
Jomamuol gi jong'wono,
Gibiro dak gi kuwe.
Kik watetni kata waluor,
Jehova biro ritowa.
Masiche ok nobwogwa,
Ka wadak e bwom Nyasaye.

3. Nyasachwa en Jaritwa
Obiro resowa,
Obadho kata luoro
Mabiro gotieno.
Kata asere modiechieng';
Ok bi miyo wabet maluor.
Wageng're kuom Jehova,
Kinde duto oritowa.

9

Jehova En Ruodhwa!

(Zaburi 97:1)

1. Moruru, duong' umi Jehova,
Polo osehulo timne makare.
Wawer ne Nyasachwa wende mor ma pake
Ma wanon tijene madongo.

(KORAS)

*Polo obed mamor, We piny bende omor,
Jehova osebedo Ruodhwa!*

*Polo obed mamor, We piny bende omor,
Jehova osebedo Ruodhwa!*

2. Waland duong' mare ne oganda;
En Jehova Nyasachwa ma reso ji.
Koro owinjore Jehova oyud pak.
Wakulre e nyim kom-duong' mare.

(Koras)

3. Lochne makare osechungi,
Oseketo Wuode ma sani locho.
Nyiseche pinyini te gipodh piny gi wich kuot,
Nikech Nyasaye onego pak.

(Koras)

10 *Pakuru Jehova Nyasachwa!*

(Zaburi 145:12)

1. Pakuru! Pakuru nyinge!
Luonguru nyinge ne ji te!
Landuru! Odiechiengeno,
Ji duto owinj milomene.
Nyasachwa keto Wuode makayo
E ma mondo obed Jaloch.
Nyisuru ji duto wach ma jaber,
Gueth ma Nyasaye kelonwa!

(KORAS)

Pakuru! Pakuru nyinge!
Nyisuru ji e pinje duto!

2. Pakuru! Wer gi dwol maler!
Wer gi chuny mamor, pak nyinge!
Gi chunywa, erokamano,
Wanyiso ji kaka en oduong'.
Nyasachwa maduong' kinde duto te,
Osebolre ne ji duto.
Herane mang'won gi kechne miyo
Owinjo lamowa duto.

(Koras)

Chuech Pako Nyasaye (Zaburi 19)

1. A Ruoth Jehova tijeni paki,
E polo malo pakni landore.
Chuechni duto lando gik mitimo,
Milome winjore e tunge piny.
Chuechni duto lando gik mitimo,
Milome winjore e tunge piny.
2. Wabet mariek gadier ka waluori,
Riekoni tayo timbewa pile.
Chikeni miyo yor ji duto rieny,
Nengogi tek molooyo dhahabu.
Chikeni miyo yor ji duto rieny,
Nengogi tek molooyo dhahabu.
3. Ngimawa ok bedi kayiem nono,
Wecheni miyowa ngima mokuwe.
Jogo duto ma miyo nyingi luor,
Gibiro dak ngima ma nyaka chieng'.
Jogo duto ma miyo nyingi luor,
Gibiro dak ngima ma nyaka chieng'.

12 *Jehova e Nyasaye Maduong'* (Wuok 34:6, 7)

1. A in Jehova, in e Nyasaye,
Onego wamiyi pak,
Yoreni ni kare te.
Inyiso teko, hera gi rieko;
In e Ruodhwa nyaka chieng'.
2. Wuonwa, waneno ka hera mari,
Omiyo idewowa;
In iwinjo lamowa.
Puonjni gi ritni gi telo mari,
Konyowa kinde duto.
3. Polo gi piny te giwero berni.
Waweri gi dwol maduong',
Ndalo te ma wangima.
A in Jehova in e Nyasaye,
Wapaki gi chunywa te.

1. Hera mar Jehova,
 Nokelo gueth mang'eny,
 Kane ochiwo Wuode ma nohero.
Yesu Kristo nonyuol,
 Modak kaka dhano,
 Nyasaye ne mor gi ranyisine.
2. Weche mag Jehova,
 Norito ngimane.
 Nomiye rieko mar ng'eyo tiend weche.
Wan be wanyis bolruok,
 Nikech ranyisine;
 Timo dwach Nyasaye ne miye mor.
3. Mana kaka Yesu,
 Wami Jehova pak,
 Kwaluwo ranyisine ma noweyo.
Wasik ka waluwo
 Ranyisi mar Yesu,
 Wanayud ng'wono Nyasaye pile.

14 *Pakuru Ruoth Manyien mar Piny* (Zaburi 2:12)

1. Oganda maduong' chokore
kokuok e pinje duto,
Kristo chokogi kanyachiel,
jomowal bende konye.
Ruoth Nyasaye koro locho,
Walam dwache ochop kare.
Wageno yudo mor koda hoch,
Nyasaye e mosesingo.

(KORAS)

*Pak Wuonwa, Jehova; Pak Wuode, ma Kristo,
Nikech en Ruoth mar ruodhi duto.
Wapake gi dwol achiel wan duto
Wamor ni en e Jaloch.*

2. Wapak Kristo, Ruoth ma locho,
gi dwol mamor ahinya.
Ruodh kuwe nong'ad buche duto
kendo nokelnwa warruok.
Kinde mabeyo ritowa:
Piny ma onge luoro, kuyo,
Jowa mosetho ibiro chier.
Wanamor kinde ma biro!

(Koras)

15 *Pakuru Wuod Jehova Makayo!* (Jo-Hibrania 1:6)

1. Wer ne Wuod Jehova,
Ruodhwa ma koro locho.
Lochne en mar adiera;
Lochne biro kelo gueth.
Noting' nying Wuon-gi malo
Kendo lando lochne,
Nikech ohero Wuon-gi,
Obiro miye duong'.

(KORAS)

*Wer ne Wuod Jehova!
Wapak Wuode moseyier.
Lochne ochung e Sayun,
Pinyruodhe koro locho!*

2. Wer ne Wuod Jehova,
Nothonwa wayud ngima.
Nyasaye weyo richo;
Nikech osechul rawar.
Miaha Kristo rite,
Lepe rochere te.
Nyasi mar kend e polo
Nonyis ni lochne ber.

(Koras)

16 *Pakuru Jehova Nikech Wuode Mowir* (Fweny 21:2)

1. Jehova oyiero Yesu
Oloch e wi ji duto.
Lochne itayo kod adiera,
Dwache biro timre e piny.

(KORAS)

*Pak Jehova kuom Ng'at Mowalo.
Pak Yesu, un rombe duto,
Un joma luwe te kinde duto
kurito chikne maler.
Pak Jehova kuom Ng'at mowalo,
Jalochno maduong' e polo,
Nyasaye osemye loch gi duong'
Mondo nying Wuonwa opak.*

2. Owete Kristo oseyier.
Osemigi nyuol manyien.
Osingnegi locho e Pinyruoth
Gikel Paradiso e piny.

(Koras)

1. Kristo ka nowuok e polo,
 Nomuol kendo nohore mos.
Gik mwachando duto ne ochiwonwa;
 Kotiyo gi thuolo malach.
Nohoyo chuny joma nool,
 Nochango jotuo, jomong’ol.
Notiyo tije gi chunye duto
 Kowacho gi mor: “Adwaro.”

2. Waluwo ranyisi mare
 E ngimawa kinde duto.
Ka wakecho ji te jok ma wayudo,
 Wakonygi ging’e adiera.
Ka wakonyo joma odhier
 Wahergi gi wach koda tim.
Ka mond liete, nyithi kiye kwayi,
 Ikri wacho ni: “Adwaro.”

18 *Wagoyo Erokamano Kuom Rawar*

(Luka 22:20)

1. Jehova Nyasaye,
wamor biro iri,
Hera ma ninyisowa
en hera madiera.
Ka nichiwu Wuodi mihero;
nikech wan.
Mano en misango maduong'
ma nichiwonwa.

(KORAS)

Nochiwore mowarowa.
Rembe nochuer moresowa.
Gi chunywa te,
wabiro goyo erokamano.

2. Yesu ne ochiworenwa
ka nohero.
Herane ne omiyo
ochiwo ngimane.
Kane pok obiro
Ne waonge geno.
Sani wan gi geno,
nwayud ngima mosiko.

(Koras)

19 *Chiemo Modhiambo mar Ruodhwa*

(Mathayo 26:26-30)

1. Jehova Wuonwa ma e polo,
En odhiambo mari maler,
Ne en kinde machon, ma ninyiso teko,
Hera riekoni nyaloni.
Nyarombo mar Pasaka noyang,
Jogi mihero ne ogony,
Eka bang' higni Yesu nochwero rembe
Kendo nochopo wach ma nokor.
2. E mesa, ranyisi paronwa,
Nengo ma ne ichulonwa.
E ngima kata tho Yesu nomiye luor
Mochiwonwa michno maduong'.
Wamor kwaparo odiechieng'no
Wagoyo erokamano,
Ka waparo kaka tho mar Yesu Wuodi,
Nochulonwa rawar kik watho.

3. Kawuono wachokre kanyachiel.
Wamor ka isegwelowa
Wapako herani ma nomiyo Kristo
Nobiro miyo nyingi duong'.
Chiemb Ruoth modhiambo pako nyingi
Kendo tego chunywa gadier.
Wanawuoth kaka Kristo osenyisowa,
Wanayud ngima ma nyakachieng'.

20

Nichiwo Wuodi ma Miderma

(1 Johana 4:9)

1. Jehova, Nyasachwa
 Ne waonge geno.
Nichiwo rawarno;
 Machiwo geno!
Wachiwo ngimawa,
 Wadwaro tiyoni.
Wanyiso ji duto:
 Dwachi biro timre.

(KORAS)

*Nichiwonwa Wuodi,
 Wawerni kanyachiel,
Waduto wanawerni,
 nikech nichiwonwa Jawar.*

2. Ng'wononi gi kechni,
Giywayowa iri.
Imiyo wabedo,
Gi osiep kodi.
To moloyo duto,
En mich ma nichiwu.
Nioronwa wuodi.
Mondo wayud ngima.

(Koras)

(MITIEKOGO)

Jehova, Nyasachwa, ichiwonwa Wuodi.
Wagoyo gi chunywa duto erokamano.

Sikuru Kudwaro
Mokwongo Pinyruoth
(Mathayo 6:33)

1. Gima ber chuth ne Jehova,
Gima miyo chunye mor,
En Pinyruoth mokete Yesu,
Ma norienwa weche te.

(KORAS)

Mokwongo, dwaruru Pinyruoth
Koda tim makare be.
Werne pak e kind ogendni,
Kitiyone gadiera.

2. Marang’o waparo ma kiny
Kata kech, kata riyo?
Ka wakwongo dwaro Pinyruoth,
Jehova nopong’ dwachwa.

(Koras)

3. Landuru wach maber ne ji;
Konygi keto genogi
Kuom Jehova gi Pinyruodhe
Ma notiek chandruok duto.

(Koras)

Pinyruoth Osechako Locho
—Wakwayo ni Mondo Obi!
 (Fweny 11:15; 12:10)

1. Jehova, Nyasaye mantie,
 Wuonwa ma nyaka chieng'.
 Iseketo Wuodi e kom;
 Mondo obed Jaloch.
 Koro isechungo Pinyruoth;
 Wuodi noloch e piny duto.

(KORAS)

Pinyruoth koro nitie
Warruok gi teko ochopo.
Pinyruoth sani nitie.
Walem mondo Pinyruoth obi!

2. Jachien ndalone koro chuok;
 Chandruok okelonwa.
 Kata masiche Iworowa,
 Wageno ber mak ne.
 Koro isechungo Pinyruoth;
 Wuodi noloch e piny duto.

(Koras)

3. Malaike me polo mor
 Giwere gi dwol mamor.
Satan osegol e polo
 Polo koro yueyo.
Koro isechungo Pinyruoth;
 Wuodi noloch e piny duto.

(Koras)

1. Pinyruodh Nyasaye locho, wapak Wuode mohero.
Kom duong' mar Kristo oketo Sayun.
Wating'o dwondwa malo, wamor wer ne Nyasachwa.
Kristo, Jawar, oseketo e kom duong'ne.

(KORAS)

Pinyruodh Jehova nokel ang'o?

Timno makare gadiera.

Kendo obiro kelo ang'o?

Ngima mochwere kendo mor.

Pak Jaloch mar piny gi polo

Ma jahera, jadiera.

2. Kristo e ma kawo loch, lwenj Har-Magedon biro.
Piny mar Satan koro chiegni kalo.
Magi e kinde lendo, walend ne ji kuonde te,
En kinde ma joma muol chung' kor Nyasaye.

(Koras)

3. Jalochno mar Nyasaye wamor kode, wagene.
Nobi e nying Nyasaye, waluore.
Donjuru e hekalu; kwa guethno mar Nyasaye.
Ochiegni locho e wi gik moko duto.

(Koras)

1. Wang'i uru malo,
E wi gode madongo.
Wane got mar Jehova
Ting'ore tinende.

Ji a kuonde duto,
Gia kuonde maboyo,
Gimor, gigwelo ji,
'Wadhiuru watine.'

Koro sa ochopo,
Joma nok koro bedo mang'eny.
Nyasaye guedhowa,
Waneno kaka ji medore.

Dhano biro mathoth
Ka girwako Pinyruodhe.
Jogo omakore kode,
Ok gibi weye.

2. Yesu nochikowa

Mondo waland wach Pinyruoth.
Wachno mondo ochop ne ji
E pinje duto.

Kristo locho sani,
Kendo jiwo joma muol,
Duto giwinje mondo
Nyasaye otagi.

Mano en gueth maduong'
Nyasaye ywayo ji kuonde te!
Waduto wan gi tich;
Puonjo ji mi ging'e Jehova.

Wating' dwondwa malo,
Ka waluongo ji duto,
'Wadhi e god Jehova,
Watine nyaka chieng'.'

1. Nyasaye nigi joge,
Yawuote mosewalo.
Ma nonyiewo e pinyni,
Nikech oyie kodgi.

(KORAS)

*Gin jogi miyiero,
Ma iluongo gi nyingi.
Giheri. Gipaki.
Gilandi kuonde duto e piny.*

2. Gin joge ma noyiero,
Ma puonjo ji adiera.
Mudho me piny giweyo
Ka giwuotho e ler.

(Koras)

3. Gitiyo tich momigi
Mar choko rombe moko.
Ka giwuotho gi Yesu,
Girito chikene.

(Koras)

1. Rombe Yesu nitie, ma konyo jo mowal;
jo mowalgo nobed kode e polo.
Duto ma watimo sama wakonyogi;
Yesu osesingo, obiro chulo.

(KORAS)

“Ka ne uhoyogi ne umiya hoch.

Gi mutimonegi ne utimona.

Ka nutiyonegi ne utiyona.

Ka nukonyogi ne umiya kony.

Ka nutimonegi ne utimona.”

2. “Ne uchiwona hoch koda chiemo gi pi,
gik ma nachando te ne uchiwona.”
Ne gipenje ni: “Mano ne kinde mane?”
Eka Ruoth nodwokgi kowacho niya:

(Koras)

3. “Ne usiko koda e tije mabeyo,
ka ulendo kachiel gi owetena.”
Eka Ruoth nowach ne rombe man korachwich:
“Biuru uyud pok e piny nyaka chieng’.”

(Koras)

27 *Nyasaye Chiegni Fwenyonwa Yawuote* (Jo-Rumi 8:19)

1. Nyasaye chiegni fwenyonwa
Joge moseyiero;
Obiro miyogi teko
Giloch gi Kristo Ruoth.

(KORAS)

*Nyasaye nofweny yawuote
Ka gin gi Kristo Ruoth.
Gibiro locho kanyachiel
Ka gisetieko lweny.*

2. Obiro luongo yawuote
Ma pod odong' e piny.
E ka Ruoth mar ruodhi duto,
Biro chokogi te.

(Koras)

(BANG' KORAS MAR ARIYO)

Yesu Kristo, gi jomowal
Noked e lweny mogik.
Giloyo lweny, giriwo kend
Ma siko nyakachieng'.

(Koras)

Mako Osiep gi Jehova

(Zaburi 15)

1. En ng'a ma osiepni?
Ma nyalo dak kodi?
En ng'a mosiepi? Ng'a migeno?
En ng'ano mong'eyi?
Jogo ma rwako Wach,
Jogo ma nyiso yie,
Jogo ma heri, jogo matir,
Mohero adiera.
2. En ng'a ma osiepni?
Ng'a ma sudo buti?
En ng'a ma pong'o chunyi gi mor?
En ng'ano mong'eyi?
Joma pako nyingi,
Kendo joma winji,
Jogo makare ma chunyi tir,
Ma wacho adiera.
3. Waketoni ting'wa,
Walami gi chunywa,
Wasudo iri kendo heri,
Iritowa maber,
Wabed osiepeni.
Osiepe mosiko.
Onge osiep ma nyalo loyi,
Onge ma chal kodi.

29 *Wadag ka Luwore gi Nyingwa* (Isaiah 43:10-12)

1. Jehova ma nyalo duto mosiko,
Ma timo kare kendo jahera.
In soko mar rieko koda adiera,
In e milocho e polo malo.
Wan kaka jogi wamor tiyo tiji;
Wamor lando adiera mar Lochni.

(KORAS)

*En gueth maduong' ni wabedo Joneno.
Wadag ka luwore gi nyingwani!*

2. Tiyo gowete e tiji malerni
Tudowa duto e hera gi kuwe.
Puonjo adiera ka wanyiso duong'ni
Miyo wamor ka pakni medore.
Nikech oluongwa gi nyingi Jehova,
Wan gi thuolo ma jaber mar paki.

(Koras)

30 *Wuora, Nyasacha, Kendo Osiepna* (Jo-Hibrania 6:10)

1. Ngima nyalo bet matek.

Ngima opong' gi pi wang' gi rem.
Kinde duto to nawach,
"Ngima ok en nono."

(KORAS)

*Nyasachwa ng'ama kare,
Wiye ok nowil gi herana.
Ochiegni koda pile,
Ok an kenda to en koda.
Wuonwa e jal ma konya,
Kendo orita nyaka giko.
Ee, Jehova en Osiepna,
Ee Nyasacha.*

2. Hika koro oseniang';

Kinde mag chandruok osechopo.
Pod ayie kuom Nyasaye,
An gi geno madier.

(Koras)

1. A wuoth kiluoro Nyasaye,
Nyis ji ng'wono kod adier.
Ibed but Jehova, gen wechene,
Tekone biro riti.
We wachne mondo e motayi,
Mondo kik iwe yo,
Iwe Nyasaye otayi,
Ka iwinjo wechene.
2. A wuoth gi Nyasaye kiler;
Ket chunyi e gik maler.
Kata tembe ng'eny ma waromogo,
Obiro konyi nano.
Weche madiera kendo maler
Mabeyo, makare,
Par wechego kinde duto,
Nyasaye nobed kodi.
3. A wuoth gi Nyasaye gi mor,
Kimor ni en osiepni
Sik kigoyone erokamano,
Kiparo mich gi berne.
Wuoth gi Nyasaye gi chuny mamor
Ipake, iwerne.
Ji te biro neno kimor,
Ni in mwandu Jehova.

1. Chon chunywa nool kendo chandore,
Dinde miriambo ne wuondowa te,
Mor maduong' manade ma wayudo
Ng'eyo Pinyruodh Nyasaye.

(KORAS)

*Bi, chung' kor Jehova; Mak osiep kode.
En ok onyal witi; Wuoth e ler mare.
Land, land wach maberno Mar kelonwa kuwe.
Loch mare gi Kristo Siko medore.*

2. Koro wamor tiyo ne Nyasachwa,
Lando adiera alworawa te,
Koro en kinde mar timo yiero,
Wachung' kor loch Jehova.

(Koras)

3. Ok wabi luoro Jachien tim ang'o.
Geno Jehova miyo walocho.
Bed ni ging'eny wan to wan jo matin,
Nyasaye e tekowa.

(Koras)

33 *Ket Ting' Mari Kuom Jehova* (Zaburi 55)

1. Yie iwinja Ruoth Jehova,
Yie mondo abi iri.
Kwayona winj kendo dwoka
Konya kik abed maluor.

(KORAS)

*Ket ting' mari kuom Jehova;
Gen kuome en mobiro konyi.
Enoriti kinde duto
En jahera, jadiera.*

2. Da an gi bwom ka akuru,
Dahu mabor gi richo,
Gi jogo ma dwaro hinya,
Da apond a kuom dwachgi.

(Koras)

3. Hoch mwayudo kuom Jehova,
Miyo pachwa bet mokuwe.
Enokonywa ting'o ting'wa;
En jahera, en omuol.

(Koras)

1. Akwayi Ruoth, non weche mag chunya,
 Ne kaka ageni, ne timna makare.
 Nona kendo item adierana,
 Pwodh chunya gi pacha, abedi ng'at moguedh.

(KORAS)

*E i chunya, ang'ado ni nawuoth
 kaluwo chikeni makare nyaka chieng'.*

2. Ok asebet gi jogo ma riambo.
 Ok awuoth gi jogo ma chayo adiera.
 Kik iketha kachiel gi joricho;
 Mohero dhaw gi ji, kendo jo mibadhi.

(Koras)

3. Ahero dak e hekalu mari.
 Lamo mari maler nating' malo pile.
 Kendo nawuoth malwor altarini,
 Kawacho ne ji te ber ma nitimona.

(Koras)

**“Uyang Gadier
Gik ma Dwarore Moloyo”**
(Jo-Filipi 1:10)

1. Kawuono ber wabed gi rieko mar,
Ng'eyo gik ma gin adier,
Gigo duto ma dwarore kendo,
Gigo ma nyaka watim!

(KORAS)

Her gima ber; sin gi richo.

Mor Nyasaye;

Yud gueth ma biro ka wapuonjore,

Wabet mariek.

Ka watimo gik monego tim.

2. To en ang'o ma duong'nwa maloyo
Kwalando ne ji pinyruoth,
Wamanyo jo ma nigi riyo mar,
Yiero yo mar Nyasaye?

(Koras)

3. Watim gik ma dwarore watim te,
Ngima biro bet mayot.
Wayudo kuwe mogundho mabiro,
Rito chunywa gi pachwa.

(Koras)

1. Warit chunywa, en ngimawa;
Wakwed yore richo.
Nyasaye ng'eyo chuny dhano,
Dhano ma iye te.
Chunywa nyalo wuondo pachwa,
Wachako rwenyo yo.
Wawe pachwa ota chunywa,
Waluw yor Jehova.
2. Waikre wamany Nyasaye;
Walame gi kinda.
Wapake pile wanyise;
Gigo machandowa.
Gik ma Jehova puonjowa
Owinjore waluw.
Wagene gi chunywa duto,
Wamiye mor pile.
3. Watem kik wapar maricho;
Wapar gik ma adier.
Wach Nyasaye omul chunywa,
Mondo otegwa chuth.
Wanyalo geno Jehova;
Ohero jotichne.
Koro walame nyakachieng',
Wamak osiep kode.

37 *Tiyo ne Jehova gi Chunywa Duto* (Mathayo 22:37)

1. A Jehova, Ruoth man malo,
Achiwora timo dwareni.
Anaheri kendo winji;
Anatini pile Nyasacha.
An ahero chikeni duto;
Analuwgi kinde duto.

(KORAS)

*In iwinjori Jehova;
Anatini gi chunya duto.*

2. Tichni miyi duong' Jehova.
Chuech piny gi polo pako nyingi.
Konya bedo ng'at migeno;
Abiro landi gi tekona.
Anati gi ngimana duto,
Ananyis ni an ja adier.

(Koras)

1. Nitie gimomiyo Nyasaye noywayi
 Kendo nopuonji adiera mare.
 Noneno ni chunyi nigi gombo matut
 Mar manye kendo timo dwarone.
 Nisingori nilame nyaka chieng'
 Nokonyi kendo tegi nyaka chieng'.

(KORAS)

*Nong'iewi gi remb Yesu,
 koro in mwandune.
 Obiro tegoi, obiro ritoi.
 Nojiwi kendo tayi,
 kuom ndalo duto te.
 Obiro tegoi, obiro ritoi.*

2. Nyasaye nochiwo Wuode mohero ndi,
 Mano omiyo odwaroni ber.
 Ka nochiwoni michno mar wuode achiel,
 Bed gadiera ni obiro siri.
 Nopar hera gi yie ma ne in-go;
 Obiro rito rombene duto.

(Koras)

39 *Walos Nying Maber gi Nyasaye* (Eklestastes 7:1)

1. Mondo walos nying maber gi Nyasaye,
Wadwaro luwo chikene moketo.
Kwaluwo Jehova, wamiye chunywa te,
Wabiro miyo obed mamor.
2. Huma mag pinyni, manyo mwandu morem,
Hero gik pinyni, manyo pak man e piny.
Bedo tich manono kwabet osiepe piny,
Gueth mag Jehova ok wanane.
3. Wadwaro nyingwa opar gi Nyasaye,
Ondikgi chutho e buge nyaka chieng'.
Wagen kuom Nyasaye, wamak adierane,
Warito nyingwa nyaka giko.

1. Chutho in mar ng'ano?
 Niluor nyasaye mane?
 Nyasachi miyiero tiyone,
 E ruodhi, en e mochiki.
 Ruodhi ariyo te,
 Ok nyalre tiyonegi.
 To kaka iwuon iketo chunyi,
 Ibiro timo yiero.

2. Chutho in mar ng'ano?
 Niluor nyasaye mane?
 Nitie mar adier kod manono,
 Tim yiero kendo ng'ad paro.
 Koso Kaisari
 E ma in imiyo duong'?
 Yier tiyo ne Nyasaye mar adier
 Tim dwache ndalo duto.

3. Chutho an mar ng'ano?
 Jehova ema naluor.
 Nati ne Nyasacha me polo;
 Nachop singruok gi chunya te.
 Nengo mochulo duong';
 Natine ndalo duto.
 E ngimana duto anatine;
 Napake ndalo duto.

1. Wuonwa me polo, winj lamona.
An mwanduni to in Nyasacha.
Nyingi maduong', oloyo duto.

(KORAS)

Iyie iwinja, A Jehova.

2. Erokamano, ma kawuono,
Kuom miya ngima, kendo chika.
Amor kaka irita maber.

(Koras)

3. Gombo mara en timo dwachi.
Konya, Ruodha, awuoth e lerni.
Miya teko mar loyo tembe.

(Koras)

1. Wuonwa ma nyalo duto Jehova,
Nyingi obed maler kendo omi luor.
Imiyo dwachi te timore,
Walem kwageno lochni Nyasaye.
Loch obi kuom dwaroni,
Wane gueth mag pinyruodhi.
2. Erokamano kuom gueth michiwo,
Ichiwo gueth mogundho ne ji duto.
Imiwa ngima, imiwa ler,
Imiwa riekó, wang'e tiend weche.
Erokamano wuonwa,
Wapako hera mari.
3. Wayudo sand ka wantie e pinyni,
Imiwa hoch kendo imiwa geno.
Waketo ting'wa kuomi wuonwa,
Imi wanan ka watiyo tiji.
Kik waol timo dwachi,
Mi wachop singo duto.

1. Wagoni erokamano Jehova,
Wuonwa wapaki kendo walami.
Wabiro tiyoni gi chunywa duto.
Wadhi maber nikech iherowa.
Bothwa mapile nyiso ok wan kare,
Wakwayo ng'wono nikech richowa.
Wamor ning'iewowa gi ngima Wuodi,
Bende ing'eyo ni ok wan kare.

2. Wamor gi hera gi ng'wono minyiso,
Erokamano kuom ywawa buti.
Puonjwa wang'eyi ikonywa watini,
Konywa waluw chikeni gadiera.
Erokamano kuom roho michiwo;
Wayudo teko wawuoyo gi ji.
Wamor kwatiyoni ka wan gi bolruok,
In inyiso ng'wono ne joma muol.

44 *Lamo mar Ng'at ma Chandore* (Zaburi 4:1)

1. Jehova Nyasaye asayi:
 'Winjie kwayona.'
 Adhondena tamre chango;
 ating'o ting' mapek.
Parruokna ng'eny, chunya nyosre
 kendo maya teko.
Nyasacha ma Jahoch rita,
 akwayi e lamo:

(KORAS)

*Chunga malo; konya nano.
Abed gadier, kinde duto.
E thagruokna, akwayi Ruoth.
A Nyasacha, meda teko.*

2. Wachni omiya hoch
 sama chunya onyosore,
Wachni konya elo
 weche ma ok anyal hulo.
Konya abed gi yie gi geno
 ma wachni chiwo.
Ipuonja ni herani duong'
 moloyo chunya te.

(Koras)

45 *Weche ma Aparo e Chunya* (Zaburi 19:14)

1. Weche duto man e chunya,
 Weche man e pacha duto
 Gibed ma mori Nyasacha,
 Gimi asik e yoreni.
 Sama paro chando chunya
 Sama paro mona nindo,
 Konya apari Nyasacha
 Gi gik mademia ma kare.
2. Weche duto maler, madier,
 Weche duto te malong'o,
 Weche duto ma jiwo ji
 Gimi chunya bedo mokuwe.
 Ahero riekoni a Ruoth,
 Ging'eny gihingowa kwano.
 Konya abed kaparogi,
 Mondo aket chunya kuomgi.

1. Erokamano Jehova Nyasaye,
Nikech isemiyowa ler mari.
Erokamano kuom thuolo mar lemo,
Iyie wabi iri kinde duto.
2. Erokamano Jehova kuom Wuodi,
Ma noloyo pinyni kuom yie mare.
Itayowa mondo watim dwareni,
Ikonyowa chopo singo duto.
3. Erokamano kuom thuolo mar lendo,
Wapuonjo nyingi gi adierani.
Erokamano, chandruok duto norum,
To gueth biro siko e Pinyruodhi.

47 *Wuo gi Jehova e Lamo Pile*

(1 Jo-Thesalonika 5:17)

1. Wuo gi Jehova Jawinj lamowa.
En thuolo maber kwating'o nyinge.
Yawne chunyi nikech en osiepni,
Inyalo gene ni enosiri.
Wuo gi Jehova pile.
2. Wuo gi Jehova, pake kuom ngima.
Wakwaye ng'wono ka wan be wang'won.
Wahulo richowa ne Nyasachwa.
En e ma nochueyowa, wan buru.
Wuo gi Jehova pile.
3. Wuo gi Jehova ka chandruok maki.
En Wuonwa kendo ochiegni kodwa.
Kwaye oriti, imany kuome kony;
Kik iluor, igene kinde duto.
Wuo gi Jehova pile.

1. Wawuothuru gi Jehova,
Ka wabolre gadiera pile.
Mano kakonyiso ng'wono
Ne jogo ma luwo yorene!
Nikech hera mar Jehova
Oyienwa wamak lwete.
Kamano wachiworene;
Ee, wachungi kor Jehova.
2. Kindegi mag mirimb Jachien,
Ka giko pinyini medo sudo,
Waromo gi jo akwede
Ma nyalo miyo wabet maluor.
Jehova ritowa pile;
Wabet machiegni kode
Watine e kinde duto.
Wabedo bute nyaka chieng'.
3. Nyasaye osekonyowa
Gi rohone koda wechene,
Be kuom kanyakla Jokristo,
Wan gadier owinjo lamowa.
Ka wawuotho gi Jehova,
Okonyowa timo ber,
Waketo genowa kuome.
Wawuotho mamuol e wang'e.

49

Miyo Chuny Jehova Mor

(Ngeche 27:11)

1. Nyasaye wan wasingore,
Wati tiji gi riekoni.
Sama watimo dwaroni,
Wamiyo chunyi bet mamor.
2. Jatich mogen kendo mariek,
Olando nyingi, opaki.
Wanyalo timo dwaroni,
Nikech opuonjowa kare.
3. Wakwayo rohoni maler,
Wadhi nyime ka walami.
Wamiyi mor ndalo duto,
Wabed gi nyak ka wapaki.

1. A Jehova mi chunya
Mondo oher adiera.
Dwonda bende owerni
Wende pak kinde duto.
2. Tiendena kod lwetena;
Mondo otim dwareni.
Nyasacha achiwoni
Mwandu ma an-go duto.
3. Ngimana achiwoni,
Mar timo dwachi Ruodha.
Gik matimo duto te
Omor chunyi yaye Ruoth.

51

Wachiwore ne Nyasaye!

(Mathayo 16:24)

1. Jehova Nyasachwa ywayowa ir Kristo
Wabed jopuonjrene nyaka chieng'.
Ka en e polo malo,
Adierane medo rieny.
E chunywa yie medore;
Wasingore tiyone.

(KORAS)

Nyasachwa e ma wachiwore tiyone.

Wamor bedo joge gi jog Kristo.

2. Wasebiro ir Jehova ka walamo
Wadwaro tiyone nyaka chieng'.
Mano doko mor maduong',
Ma wamor gi nyiso ji,
Wating'o nying Jehova,
Walando pinyruoth ne ji.

(Koras)

1. Jehova e ma nochueyo
Polo gi piny duto.
Pinywa duto gi kor lwasi,
Duto gin tijene.
Ochiwo ngima ne chuechne,
Onyisogi duto,
Owinjore pake en kende,
Onego lame kende.
2. Yesu nobatis e Jordan,
Ochop dwaro maler.
Nolamo gi chunye duto:
'An ka timo dwachi.'
Kane owuok e pi Jordan,
Wuod Nyasaye mowir,
Nosiko kolamo gi bolruok:
'Wuora an atim dwachi.'
3. Wabiro iri Jehova,
Wapak nyingi maduong',
Wachiwre ka wabolore,
Wachiwo ngimawa.
Nichiwo Wuodi miderma,
Rawar mochiwo duong',
Wadag ok nikech wan wawegi,
Wadag kendo tho ne in.

1. Piny yawre.

Wabiro wuok

Waland wach maber ne ji.

To piny pod mudho,

Bende koth chako chue.

Wanyalo dong' e ot mak wawuok,

nindo mit.

(KORAS)

Ka wan gi paro mowinjore,

Ikruok gi lamo be;

Wabiro jiwore dhi lendo

Kinde duto.

Malaike bende ni kodwa,

Yesu chikogi te.

Bende ka wan gi ng'ato bathwa,

Ok wabi ol.

2. Kwaparo

Wechego te

Wanabed mamor gadier.

Jehova neno

Kinda mwatimone,

Wiye ok bi wil gi herawa;

wan gadier.

(Koras)

“Ma e Yo”
(Isaiah 30:20, 21)

1. Nitiere yo mar kuwe,
Yo ma niseng'eyo.
Yo manipuonjori,
Yorno en yo machon,
Yo ma ne Yesu puonji
Ka ne iwinje.
En yo mar kuwe madier,
Man e Wach Jehova.

(KORAS)

*Mani e yor ngima ma nyaka chieng'.
Kik iba yo kata kik ing'i chien!
Nyasaye luongowa: 'Ma e Yo;
Kik ing'i chien nikech mani e Yo.'*

2. Nitie yo mar hera,
Kik warang yo moro.
Nyasaye nyisowa
Ni wanyalo yude.
Herane long'o chuth;
Herane ber adier.
Ma e yo mar hera
Ma chiko ngimawa.

(Koras)

3. Nitie yo mar ngima,
Kik watem ng'iyo chien.
Nyasachwa singonwa:
Ni onge yo moro
Ma nyalo kelo kuwe,
To mana yor hera.
Mani e yor ngima,
Wapako Jehova.

(Koras)

Kik Uluorgi!
(Mathayo 10:28)

1. Joga sikuru gi kinda,
 Ka ulando wach Pinyruoth.
 Kik uluor jowasigu,
 Joher adiera ong'e
 Ni Wuoda ma locho Yesu,
 Oseloyo jasigu,
 Enomak motwe Satan,
 Ogony dhano te a e tuech.

(KORAS)

*Kik uluor, un jo mahero,
 Kata ka wasigu ger.
 Anarit jatich mageno
 Mana kaka tong wang'a.*

2. Kata jowasigu ka ng'eny,
 Kata ka gibwogou,
 Gilombu, ginyier kodu,
 Ka gitemo wuondou.
 Kik uluorgi un e joga
 Kik uluor lit sand margi,
 Anarit jotich mageno
 Nyaka gitiek loyo lweny.

(Koras)

3. Kik iluor ngang' ni oweyi,
Pod an e okumbani.
Kata ka itho e lweny,
Abiro tiekoni tho.
Kik uluor jonek mag ringre
To chuny ok ginyal ketho,
Chung' motegno nyaka giko,
Ngima ibiro yudo!

(Koras)

1. Ngima maber chuth en ngima mar adiera,
Ng'ato ka ng'ato otim yiero.
Chik iti ne puonj ma Jehova miyowa;
Igen adierane chutho.

(KORAS)

Wuoth e adiera.

Dag e ngima mar adier.

Iniyud mor ma

Jehova miyi

Kiwuotho e adiera.

2. Kinda mitimo gi thuolo mitiyogo
Tiyo ne Nyasaye gi Pinyruoth
Nokel gueth mang'eny gi ngima ma nyaka chieng',
Ngima man gi gueth mogundho.

(Koras)

3. E wang' Nyasachwa, waduto wan nyithinde
Wadwaro opuonjwa, otawa.
Wawuoth gi kinda gi Nyasachwa me polo;
Wayud gueth mage mogundho.

(Koras)

57 *Land Wach Nyasaye ne Ji Duto*

(1 Timotheo 2:4)

1. Wahero bedo kaka Nyasaye,
Nikech wang'eyo ni ok obuon ji.
Dwarone en ni ji duto ores;
Orwako ji duto gibed joge.

(KORAS)

*Kik wang'i kaka gidak;
Kik wang'i kaka gichal.
Wach Nyasachwa wachop ne ji duto.
Nikech wadewo ji te,
Waland kuonde duto ni,
"Ji te obed osiepe Nyasaye."*

2. To kik wadew kama wayude ji,
Kata kaka wayudo ka gichal.
To gima duong' en kaka chunyi chal,
E wang' Jehova mano e ma duong'.

(Koras)

3. Jehova koro gwelo ji duto
Mondo giyier giwe yore mag piny.
Mani en wach ma wasepuonjore,
Koro waland ne ji kuonde duto.

(Koras)

1. Yesu nochiko: 'Waland adiera.'

Kata piny liet, buru be ng'eny,

Nolando wach ne ji duto.

Rombe Nyasaye ne oherogi.

Nomanyogi sama chieng' wuok

nyaka chieng' podho.

E yore te nyaka udi,

Walendo ne ji duto te:

Chandruogewa chiegni rumo e pinyni.

(KORAS)

Wamanyo ji

Mohero kuwe e pinje duto,

Wamanyo ji

Ma gombo ni mondo oresgi,

Kuonde duto,

Ok wabuon ji.

2. Ndalo modong' nok, walimo ji te.
Walando wach ne ji duto
To ng'at moyie e mwapuonjo.
Herawa miyo walimo ji te.
Wahoyo chuny jo mokuyo,
gi joma ojony.
E gweng' ka gweng' wamanyo ji,
Kwayudo ng'at morwakowa,
Wayudo mor ka wanano e tij Ruoth.

(Koras)

Wapakuru Jehova (Zaburi 146:2)

1. Pak Jehova

Bi wawerne.

Omiwa ngima gi gik mabeyo.

Wapak nyinge

Kinde duto.

Wapako herane gi tekone.

Waland nyinge ka wawerone pak.

2. Pak Jehova,

Opidhowa,

Owinjo lamowa, okonyowa.

Ochiwo jip

Ne jo mool;

Tekone konyo ji duto mamuol.

Wapak nyinge; Wanyis ji tekone.

3. Pak Jehova.

Ng'at makare;

Wanagene nikech ochiwo hoch.

Orieyowa;

Ochangowa.

Ji duto te noyud gueth e lochne.

Biuru duto wapake gi mor!

1. Nyasaye dwaro ni
 ji duto mondo onyis,
 Odiechieng mar mirimbe
 koro osechopo.

(KORAS)

*Wareso ji ka walendo;
 Ngimawa be wareso.
 Ka giwinjo gibiro tony,
 Nyaka waland wachno ne ji
 Kuonde te.*

2. Wach ma wan go waland
 ne ji duto te e piny.
 Wagwelo ji duto
 giwinjre gi Nyasaye.

(Koras)

(BANG' KORAS MAR 2)

*Dwarore ni waland wach,
 Mondo giwinj giyud resruok.
 Wanyis ji, kwapuonjogi;
 Giyud ngima ma nyaka chieng'.*

(Koras)

61 *Dhiuru Nyime, Un Joneno!* (Luka 16:16)

1. Jotich Nyasaye e ndalo mag giko,
Gilando Injili gi kinda kuonde te.
Satan kata kwedgi manade,
Teko margi giyudo kuom Nyasaye.

(KORAS)

*Dhiuru nyime, un Joneno ma jochir,
Tiuru gi mor koda chuny moyangore!
Landuru mabor ni Paradiso chiegni,
Kendo gueth mage te biro chopo.*

2. Jotich Jehova ok many ngima mayom,
Jo piny, jolochne, bende ok wami omor.
Wabet ma onge chilo pinyni,
Wadhi nyime ritore kuom Nyasaye.

(Koras)

3. Pinyruodh Nyasaye jopiny osekbedo,
Ji jaro Jehova, gichayo ler mare.
Waduto wapwodh nying Nyasaye,
Kendo lando nyinge e pinje duto.

(Koras)

Wer Manyien (Zaburi 98)

1. Wer ne Nyasaye, Pake gi wer manyien gi chir.
Land tije madongo Ma osetimonwa.
Pak bade, tekre, En Nyasaye ma loyo lweny.
Otimo makare E buchene duto.

(KORAS)

Wer! Wer ne

Jehova wer manyien!

Wer! Wer ne

Jehova en e Ruoth.

2. Kog matek gi mor Ne Ruoth Nyasaye Jalochwa!
Pak nyinge iwerne, Miye duong' ka imor.
Wagweli gi mor iwer matek ne Ruoth kodwa.
Thum, tunge, turmbeta, Giriwre gipake.

(Koras)

3. Nembe madongo Gimiye duong', giwerne pak.
Pakuru Nyasaye Kachiel gi chuech mag piny.
Piny obed mamor, Aoche be pam lwetegi.
Gode koda hohni Duto opak Jachuech.

(Koras)

1. Dhano lamo gik mopa,
 Ok ging'eyo Nyasaye.
 En Manyalo Duto,
 Nenore maler.
 Nyiseche moko to kia
 Gik ma biro timore.
 Gigombo joneno to onge;
 Gin nyiseche mag miriambo.

(KORAS)

Wan Joneno Jehova.

Walendo gi chir duto.

Nyasachwa koro weche madier,

Wechene duto chopo.

2. Walando nying Nyasaye,
 Walando nyinge maduong'.
 Wach maber mar Pinyruoth,
 Walando gi chir.
 Wadwaro ni ji ong'e
 Adiera ma gonyogi.
 Gibed motegno, dwondgi giting',
 Mondo giwerne wende pak.

(Koras)

3. Lendo pako Nyasaye,
Miyo nyinge bet maler,
Siemo jomaricho
Ma ketho nyinge,
Nysisogi yor yudo kony,
Ka gidok ir Nyasaye.
Lamo Jehova miyowa kuwe,
Ka wageno dak nyaka chieng’.

(Koras)

1. Wadak e kinde mar tij keyo,
En thuolo maber gadiera.
E puothe cham oiko duto,
Wamor wan gi migawowa.
Ka wan gi ranyisi kuom Kristo,
Motelo katayo tichne,
En thuolo maber mosemiyowa
Mar keyo kode ka wamor.

2. Hera kuom Nyasaye gi wadwa
Miyu wakeyo mapiyo.
Watim kinda, lendo gi puonjo,
Nikech giko chiegni chopo.
Wamor ka watiyo tij lendo;
En mich moa kuom Nyasaye.
Wanano gi yie e tich mar Pinyruoth
Watiyone ka wan gi mor.

Dhiuru Nyime!

(Jo-Hibrania 6:1)

1. Dhi nyime, dhi nyime bedo motegno!
Rieny ler mar adiera mondo ji duto one.
Tem ahinya ilony e tich mar lendo,
Nyasachwa noguedh tichni.
Nitie thuolo e tich ne ji te.
En e tich ma Yesu notimo.
Gen Nyasaye okonyi kik ipodhi,
Bed kitimo makare.

2. Dhi nyime, dhi nyime kilendo gi chir!
Wach maber mosiko waland ne ji duto te.
Pak Jehova Nyasachwa gi owete,
Ka walendo ot ka ot.
Kata ka wasigu mi waluor.
Kik iluor, we ji duto owinj,
Wachnegi Loch Nyasaye osechopo.
Tim kinda puonj adiera.

3. Dhi nyime, dhi nyime dok timo limbe,
Kendo med lony mari,
tije ng'eny monego tim.
We roho mar Nyasaye omed tayi.
Yudi mor mar Nyasaye.
Her jo mitiyo matek yudo.
Dog pile, mul chunyi gi pachgi.
Konygi te gitim dongruok pile pile,
Ler mar adiera orieny.

1. Adiera mar Pinyruoth nopand kinde malach.
Adier mar Ruoth ma nosesingi fwenyore.
Jehova ng'won kendo ohero adiera
Noparo chal mar dhano ma en jaricho.
Noketo chenro ni Wuode oloch e piny;
Kinde Nyasaye mowinjre, loch Pinyruoth nonyuol.
Kendo nochano miyo Wuode miaha,
Joge moyier en kueth matin momiyo duong'.
2. Wach mwalando en wach maber ma nokor chon.
Jehova dwaro ni sani waland wachno.
Malaiké mor tiyo kanyachiel kodwa,
Mondo gikonywa ka waland wach Pinyruoth.
Sani wan gi thuolo moyiedhi koda ting',
Wami Jehova duong', wapake mowinjore.
Bedo Jonenone en gueth momiyowa
Waland wach maber ma siko nyaka chieng'.

1. Nyasaye chikowa sani,
Mondo wati tich mosemiyowa.
Waikre lendo kinde duto
Wanyis ji duto geno ma wan-go.

(KORAS)

Walenduru,

Wach ochop ne ji duto!

Lenduru,

Giko sudo machiegni.

Lenduru,

Wach ochop ne joma muol.

Lenduru,

Kuonde duto!

2. Seche moko wayudo pek;
Akwede gi tembe miwa wich-kuot.
Lendo nyalo nenore ni tek,
Nyasachwa e ma wabiro geno.

(Koras)

3. Seche moko waneno ber,
Weche Nyasaye wanyis ji duto.
Walernegi yo ma reso ji
Wami nying Jehova obed maler.

(Koras)

68 *Chwoyo Kodhi mag Pinyruoth* (Mathayo 13:4-8)

1. Biuru wati ne Jehova,
Chik iti iwinj koluongi.
Ochiwre konyi ka otayi,
Puonjne biro lero yori.
Kodhi mar adiera nyalo dongo,
E chuny jo ratiro gadier.
Ket chunyi kitimo gi kinda duto,
Tich ma osemyi monditim.
2. Ka itimo kinda e tijni
Inyalo yudo nyak mang'eny.
Ikony jogo duto ma winji,
Gipuonjre hero gik madier.
Ikonygi nyagre gi kiawa gi dich,
Ma nyalo miyo gidok chien.
Adiera mipidho biro miyi mor
Kineno kaka gitiyogo.

Dhiuru Nyime Kulando Wach Pinyruoth!

(2 Timotheo 4:5)

1. Dhiuru nyime lando Pinyruoth
 Ne ji e pinje duto.
 Kuhero ji duto gi chunyu,
 Ukony joma muol owinj.
 Wamor kwatiyo ne Nyasaye;
 Waland ne ji wachne gi mor.
 Dhi nyime iland ne ji wachno;
 Ging'e nying Nyasaye maler.

(KORAS)

*Land wach Pinyruoth;
 Land ne ji gi chir e pinje duto te.
 Land wach maber, kisiko kitegno,
 Ti ne Jehova.*

2. Wadhi nyime lendo kanyachiel,
 Ka wasiro jo mowir.
 Rowere gi joma otegno
 Adiera ota pachwa.
 Adiera mar pinyruoth ma biro;
 Waland ne ji kuonde duto.
 Jehova ema miwa teko,
 Onge gima miyo waluor.

(Koras)

1. Ruodhwa nopuonjowa lando wach Pinyruoth,
Nonyisowa kaka watim:
'Manyuru joma owinjore kendo
Joma nigi riyo mar winjo.
Mosuru wuon ot ka udwarone kuwe,
Jo mowinjore nobed gi kuwe.
Kapo ni jomoko ok dwa rwakou,
Teng'uru buch tiendu ka ua.'
2. Joma rwakou bende rwako Kristo.
Ukonygi ging'e adiera.
Chuny ma ginyiso nomigi gombo mar
Konyou tiyo ne Nyasaye.
Be kik uparru gima nuwach ne ji,
Jehova nomi ubed gi chir.
Kudwoko mamuol kendo gi luor duto
Joma muol mobolre nowinju.

1. Wan e jolwenj Jehova,
Kristo telonwa,
Kata Jachien kwedowa,
Watiyo kanyachiel.
Wageno tich momiwa,
Ka walando wach.
Ka wachung' motegno
Ok wabed maluor.

(KORAS)

*Wan e jolwenj Jehova;
Yesu telonwa,
Walando gi ilo,
Loch mar Nyasachwa.*

2. Watiyo ne Jehova,
Wamany rombene,
Rombe molal, man kendgi,
Ma ywakne kendo chur.
Wamanyogi, puonjogi,
Walimgi pile;
Seche te wagwelgi
Gichokre kodwa.

(Koras)

3. Wan e jolwenj Jehova,
Yesu chikowa,
Chutho waikre ne lweny,
Ka wabedo gi chir.
Dwarore wabed motang',
Wachung' motegno.
Kata e bwo tembe,
Wamak adiera

(Koras)

1. Kinde moko nene wakia
Kaka Jakristo nyalo dak.
Jehova nochiwo ler,
Adiera mag Pinyruoth norieny.
Ne wachako neno dwache
Mondo wati ne Nyasachwa,
Kwamiyo Jehova duong',
Kendo konyo pako nyinge maler.
Walando wach ne ji duto,
E ot ka ot kendo e yo.
Wakonyogi mondo gine;
Adiera ma gonyo ji te.
Ka wakonyo ji kuonde te
Mondo giti ne Jehova,
Watiyone kanyachiel
Nyaka Jehova wach ni oromo.

Miwa Chir

(Tich Joote 4:29)

1. Sama walando wach Pinyruoth,
Ka wanyiso ji nyingi,
Wayudo akwede mang'eny
Joma yanyowa be ng'eny.
To ok waluoro dhano,
In e ma nyaka wawinji.
Wasayi miwa roho mari;
A Jehova, winj lamowa.

(KORAS)

*Miwa chir e chiwo neno;
Konywa kik wabed maluor.
Miwa teko lando wachni
Ji duto e piny owinj.
Har-Magedon chiegni chopo,
Ka warito odiechieng'no,
Miwa chir e chiwo neno.
Winj lamowa.*

2. Wan dhano wabedo maluor,
Ing'eyo ni wan buru.
Isingo ni inisirwa
En singo ma wageno.
Konywa kik wabed moluor
Nikech joma sandowa thoth.
Wakwayi ikonywa waduto
Mondo waland nyingi gi chir.

(Koras)

Wer Wend Pinyruoth!

(Zaburi 98:1)

1. Mae en wer ma mor kendo mar locho;
 Wer ma pako Nyasaye man malo.
 Wechene miyowa geno motegno.
 Bi wer kodwa; wamor gi wach Pinyruoth:

(KORAS)

*'Walam Wuonwa e kom-lochne.
 Waland ne ji, Wuode en Ruoth!
 Bi puonjri wer, ma pako loch Nyasaye;
 Biuru te wapak nyinge maler.'*

2. Wendni wawero ka walando Pinyruoth.
 Kristo locho e wi pinyni duto.
 Oganda moro manyien ma weg Pinyruoth,
 Moyie kuom Yesu ne osekor chon:

(Koras)

3. Joma muol duto nyalo wero wendni.
 Were ok tek, kendo okelo mor.
 E piny duto ji mang'eny bende were,
 Gin be gigwelo jomoko e wer:

(Koras)

1. Ndalogi ji chayo nyinge,
 Nyingno maler mar Nyasaye,
 Giriambo ni Nyasaye ger,
 Gikok ni, ‘Nyasaye onge!’
 En ng’a ma biro yie pwodhe
 En ng’a ma wer ne ji pakne?

(KORAS 1)

*‘A Ruoth an ka; ora adhi,
 Adhi apak nyingi maler.
 En gueth maduong’ mar pako nyingi.
 Ruoth ora mondo adhi.’*

2. Giwacho Nyasaye deko;
 Gi kia miye luor modwaro,
 Gilamo gik mopa maket,
 Kaisari be gilamo.
 En ng’a ma biro chiwo siem
 Ni lwenj Har–Magedon chiegni?

(KORAS MAR 2)

*'A Ruoth an ka; ora adhi,
Achiw siemno ma ok aluor.
En gueth maduong' mar pako nyingi.
Ruoth ora mondo adhi.'*

3. Ndalogi joma muol to ywak,
Richo mag pinyni medore.
Gimanyo gi chunygi duto
Adier ma wuok kuom Nyasaye.
En ng'a ma biro hoyogi?
En ng'a ma biro puonjogi?

(KORAS MAR 3)

*'A Ruoth an ka; ora adhi,
Apuonjgi gi horuok duto.
En gueth maduong' mar pako nyingi.
Ruoth ora mondo adhi.'*

76 *Tij Lendo Miyo Iwinjo Nade e Chunyi?*

(Jo-Hibrania 13:15)

1. In iwinjo nade

Ka ilendo, kipuonjo

Ka itiyoy gi kinda

mondo ichop ne ji?

Kitimo minyalo

Nyasachwa notim modong’.

Ong’eyo joma kare

ma dwaro tiyone.

(KORAS)

*Wabet mamor kendo wail,
wachiwore gi chunywa te.*

*Wadhiuru nyime pako
Nyasachwa kinde te.*

2. In iwinjo nade

ka weche ma ipuonjo

mulo chuny joma dwaro

ngima ma nyaka chieng’?

Jomoko ok winjwa,

Jomoko to ji wuondo.

Wan to pod wadhi nyime

lando nying Jehova.

(Koras)

3. In iwinjo nade,
ka Nyasaye miyi kony,
Kendo ni omiyi tich
ma watiyo gi mor?
Walendo, wapuonjo
ka wang'won, ka wan gi chir.
Wamanyo joma oyie,
giko tijni chiegni.

(Koras)

77 *Ler e Piny Manie Mudho Mandiwa* (2 Jo-Korintho 4:6)

1. Kindegi mudho kwako piny,
To ler moro be rieny.
Kaka ler chako rieny matin,
Bang'e okwako piny.

(KORAS)

*Wachno ma walando,
Rieny e mudho me pinyini.
Ochiwo hoch madier—
Orieny kaka wang' chieng',
Ler madier chopo ne ji—
Gibet mamor.*

2. Wachiewo joma nindo te
Nikech ndalo rumo.
Wahoyo ji gi wach maber.
Kendo walamnegi.

(Koras)

1. Joma puonjo Wach Nyasaye,
Gibedo joma mor.
Mich ma Jehova miyowa
Gin mich maber gadier.
Waluwo ranyisi Wuode
Ma nohero joge.
Ka wapuonjo ji wakonyogi
Gisud ir Nyasaye.
2. Ka wapuonjo Wach Nyasaye,
Watim gik ma kare,
Jogo mwapuonjo gine ler
Mar Nyasaye ka rieny.
Wapuonjre Wachne gi kinda,
Waland ne ji duto.
Gik ma wasepuonjre mabeyo
Waluw puonj mwayudo.
3. Jehova konyowa duto
Waland Wachne maler.
Ka wakwaye omiwa kony,
Obiro winjowa.
Wahero weche Nyasaye;
Nikech gin adiera.
Bende waher joma wapuonjo,
Gin be gibed jopuonj!

1. Wapuonjo rombe mag Jehova,
 Giluwe kendo wail.
 Waneno kaka otayogi,
 Gimako adierane.

(KORAS)

Jehova wakwayi, winjwa

Yie iritgi ndalo duto.

E nying Ruoth Yesu wasayi: Yie ikonygi;

Imi gichung' ka gitegno.

2. Nwakwayonegi pile pile,
 Ka ne tem oyudogi.
 Nwakawo thuolo kwapuonjogi;
 Gitegno, giyudo gueth.

(Koras)

3. Giduto gigen kuom Nyasaye,
 Giduto gibed jochir.
 Giket yie margi kuom Yesu be,
 Giwinj wach, giyud ngima.

(Koras)

1. Wamor tiyo ne Nyasaye;
Wamanyo thuolo watine.
Wahero lando ne ji wach maber,
Wadwaro lendo ne ji te.

(KORAS)

*'Biuru duto mondo une
Ne kaka Jehova ber.'
Ka watiyone gi ngimawa,
Wayudo gueth mochwere.*

2. Joma tiyone thuolo te,
Gigen yudo gueth koda mor.
Wagen Jehova mondo oritwa,
Wamor tiyo ne Nyasaye.

(Koras)

1. Sama piny oseru, kendo chieng' pok owuok,
Nindo ni e wang'wa,
to walemo kwaikore wuok.

Wabuonjo gi ji te ma waromo godo.
Jomoko winjowa,
jomoko kalowa kwalendo.

(KORAS)

Ngimano wayiero;

Wati ne Jehova.

Wanatim duto mochikowa.

Ka wanano e tich,

Ka chieng' rieny, ka koth chue.

Mano yo mwanyalo nyisego herawa.

2. E giko odiechieng', ka koro chieng' podho,
Kata tekrewa tin,
pod walemo, wan gi chuny mamor.

Wachiwo chunywa te, ngimano wahero.

Jehova guedhowa,

wagoyone erokamano.

(Koras)

1. Yesu osehiko

Ler marwa orieny,

Kaka wang' chieng' ma rieny,

Wami ji te hoch.

Wach Nyasaye elo,

Wach ma kelo kuwe.

Wameny lerne ne ji te

Ka wapuonjogi.

2. Wach maber mar pinyruoth

Omul chuny ji te,

Kendo ler orienynwa,

Ka watiyone.

Ler mar Wach Nyasaye

Ema tayowa;

Ka walendo ne ji te,

Giyier adiera.

3. Timbewa mabeyo,

Medo menyo ler,

Gimiyo wechewa,

Kelo mor ne ji.

Wamed rienyo lerwa

Kwatimo maber,

Wamiyo Nyasaye mor

Ka lerwa orieny.

1. E ot ka ot, e mier duto,
Walandu Jehova.
E taon ka taon, gwenge duto,
Romb Jehova chiemo.
Pinyruoth locho, ma wach maber
Ma Yesu nokoro,
Jotich Nyasaye gilande
E pinje duto te.
2. E ot ka ot, e mier duto,
Waland warruok ne ji.
Wachno chopo ne jo moyie
Luongo nying Jehova.
Gibiro luoro nade nying
Ng’at ma ok ging’eyo?
E mier duto, e ot ka ot,
Waland nying Nyasachwa.
3. Koro wadhi e ot ka ot,
Waland wach mar Pinyruoth.
Ka gidagi kata giyie,
Wawe gitim yiero.
Walandnegi nying Jehova,
Kod adiera mare.
Sama wadhi e ot ka ot,
Wayudo rombene.

84 *Wachiwore Lendo e Okang' Malach*

(Mathayo 9:37, 38)

1. Jehova Ruoth ong'eyowa
Odwaro ni wabed mamor.
Yore mang'eny monyisowa
Watiyogo e ngimawa.

(KORAS)

*Wachiwo ngimawa,
ne Ruoth Nyasachwa.
Kama jotich tinie, wachope
mondo walendi.*

2. Nitiere tich e piny duto.
Kama tich ng'eny, wachiwore.
Wanyiso ni wadewo ji;
Wakonyogi; wapuonjogi.

(Koras)

3. Alworawa, kuonde duto
Ogendni te giyudo wach.
Watiyo gi yore manyien
Mondo walend ne ji duto.

(Koras)

85 *Beduru gi Chuny mar Rwako Ji* (Jo-Rumi 15:7)

1. Warwakou un duto mubiro
Wawinj Wachne koda yorene.
Omiwa duto wechene madier;
Watimo dwarone ka wan gi chuny mamor.
2. Erokamano kuom owetewa,
Ma rwakowa kendo herowa.
Wadwaro siko ka waherogi,
Warwako ji duto ma dichokre kodwa.
3. Nyasaye gwelo ji duto e piny,
Joma muol te oyud adiera.
Oywawa ire mana kuom Yesu.
Warwakuru ji te gi chuny moyangore.

Nyaka Puonjwa
(Isaiah 50:4; 54:13)

1. Bi ka iil, ipuonjri e wi Jehova.
‘Bi modh pi ngima,’ roho owacho.
Nyasaye chiwo puonj man gi ngima.
Jo man gi kech mar adiera nochiem.
2. Kik wawe mak wabedo e chokruogewa,
Nyaka puonjwa; wang’e gik makare.
Roho Nyasaye gi owetewa,
Jiwowa mondo wawuoth e yor ler.
3. Joma wero wend pak jiwowa waduto!
Dwond jo mopuonj, mit winjo ka giwer!
Wasik kwachokre gi jo Nyasaye!
Kwabedo kodgi ndalo duto te!

1. Wadak e piny monjawore, ma olal;
 Ji mang'eny kia yor Nyasaye.
 Wadwaro yore matir ma tayowa,
 Nikech ok dwachung' wawegi.
 Chokruogewa miyowa hoch gi geno;
 Gikonyowa bedo gi yie.
 Gikonyowa jiwo timbe mabeyo,
 Gimiwa teko dhi nyime.
 Ok wabi weyo mako chik Jehova;
 Wadwaro timo dwarone.
 Chokruoge puonjowa yore makare;
 Gimiwa hero adiera.

2. Jehova ong'eyo gik ma wachando;
 Onego wamak chikene.
 Ka wamanyo thuolo mar dhi e chokruok
 Nyiso ni wageno Wachne.
 Puonj mowuok kuom chwo moluoro Nyasaye,
 Miyo wang'eyo nyiso yie.
 Kokalo kuom owete moherowa,
 Wang'eyo ni ok wan kendwa.
 Koro ka wageno kinde mabiro,
 Wachokre gi jowetewa.
 E chokruoge wapuonjre kaka wadak
 Ka wan gi riekio Nyasaye.

Puonja Yoreni (Zaburi 25:4)

1. Jehova wasechokore kanyachiel,
Warwako luong mari gi ilo.
Wachni en tachwa ma menyonwa yore,
En soko mar puonj ma ichiwo.

(KORAS)

*A konya, puonja ng'eyo yoreni;
Jiw ita owinj rieko makare.
Konya awuoth e yori madiera,
Mi chunya omor gi timo dwachi.*

2. Riekoni Nyasaye ni malo chutho;
Bucheni ming'ado wageno.
Wachni nigi puonj matut, A Jehova;
Wecheni madier gin ma siko.

(Koras)

89 *Chik Iti, Iwinj, Mondo Oguedhi*

(Luka 11:28)

1. Wanyiso nade ni wawinjo Kristo?

Puonjne rieny ka nyisowa yo mwaluw.
Wamor kuom winjo kendo ng'eyo yorno,
Wanayud gueth mana kuom luwo puonj.

(KORAS)

*Chik iti, winj, iyud gueth
Kitimo dwach Nyasaye.
Ka diher donjo e yueyo mare,
Chik iti, winj, iyud gueth.*

2. Ngima mwadak ritowa mana ka ot

Kogere e lwanda ok e kwoyo.
Ka watiyo gi chik mar Ruodhwa Yesu,
Misewa biro bedo motegno.

(Koras)

3. Mana ka yath ma opidh bath aora

Nyago olemo e kinde duto,
Kwawinjo Nyasaye kaka nyithinde,
Obiro miyowa gueth nyaka chieng'.

(Koras)

Wajiwreuru (Jo-Hibrania 10:24, 25)

1. Ka wajiwre ng'ato gi ng'ato
Mondo wati ne Jehova,
Hera medre e kind owete;
Timbe mabeyo kelo kuwe.
Hera ma jo Nyasaye nyiso
Konyowa dhi nyime nano.
Wayudo kar bwok e kanyakla,
Kama dwayudie rit maber.
2. Wach ma wawacho sa mowinjre
Mano kaka ohoyo chuny!
Osiepe mwageno motegno
Miwa weche ma kelo hoch.
En gima ber tiyo gowete
Jo man gi geno kaka wan.
Wadwaro jiwore e kindwa
Wakonyogi nyagruok gi pek.
3. Yie ma wan-go miyo waneno
Odiechieng Jehova chiegni,
Ber ka wajiwore e chokruok
Wadhi nyime wuotho e yie.
Ka wachokre gi jo Jehova,
Wabiro tine nyaka chieng'.
Koro wajiwre e kanyakla
Wamak tim makare gadier.

1. Odiechiengni Jehova;
 Wagoni erokamano.
 Kuom ng'wononi gi duong' minyiso,
 Ok wanyal pimo!
 Kuom tich ma nyiso hera,
 Waneno kimiwa guethni.
 Isetego lwetwa, ot ochung',
 Kaka ranyisi.

(KORAS)

*Mano en gueth maduong' Jehova,
 Kwagero odni mar lami.
 Mondo wadhi nyime gi tiji kinde duto
 Tijewa te opak nyingi.*

2. Wang' ji nyiso ni gimor,
 Koro wang'eny gi osiepe!
 Wabiro paro gueth mimiwa
 Kinde duto te.
 Ruoth nwaneno tekoni,
 Ka watiyo gi chuny achiel.
 E alworawani nyingi duong',
 Mano gueth maduong'!

(Koras)

1. En wach ma jaber, A Jehova,
 Wagedo, nyingi oyud duong'!
 Wamor keto odni e lweti
 Mondo iyud duong' koda pak.
 Gimoro amora mwamiyi,
 Ne gin magi chakre nene.
 Lony marwa, mwandu gi tekrewa,
 Wachiwo gi chuny man gi mor.

(KORAS)

*Wachiwoni odni sani,
 Ji duto ong'e nyingi.
 Wawaloni odni sani;
 Yie ikawe ka mari.*

2. Wuonwa koro wamiyi duong' te,
 Kwakeloni pak e odi.
 Jogo duto be ma wapuonjo,
 Gimedre giluw yoreni.
 Ji duto olami e odni,
 Wabiro miye rit maber.
 Kinde duto nobed janeno,
 Ma lando ote mwating'o.

(Koras)

1. Yie iguedhwa ka wachokre,
A Jehova wakwayi.
Erokamano kuom chokruok;
Rohoni obed kodwa.
2. Konywa Ruoth, pwodh lamo marwa;
Yie ipong'wa gi Wachni.
Tieg pachwa mondo walendi;
Pidh hera e i chunywa.
3. A Wuonwa guedh chokruogewa;
Wakwayi kuwe gi winjruok.
Timbe kod wechewa duto
Mondo gimi Lochni duong'.

1. Jehova Nyasachwa, ji duto ong'e
Kaka wamor nikech Wachni michiwo!
Nikudho ndiko duto gi rohani maler.
Lerne miwa rieko, wang'e adiera.
2. Wachni nigi teko mar mulo chuny ji.
Wachni nyalo pogo chunywa gi pachwa.
Chikeni beyo duto, bucheni gin adier.
Ka wang'eyo dwachi, watimo maber.
3. Wachni A Jehova konyowa duto,
Jonabi ne gin mana ji kaka wan.
Konywa mondo wateg yie ka wasewinjo wach.
Wamor nikech wachni, Jehova wuonwa.

1. Jonabi ne gombo ng'eyo wach Kristo,
 Ma dhano ma chur nyalo geno.
 Roho noelo ni Mesia nobi,
 Okel ne dhano duto warruok.
 Kinde osechopo, Mesia locho,
 Waneno ranyisi maler.
 Ma en gueth maduong' ni wang'e gigi te;
 Malaike be gombo ng'eyo!

(KORAS)

*Yorwa medo rieny kinde duto;
 Wawuotho e ler modiechieng'.
 Ne gigo ma Nyasachwa elo;
 Otayowa pile pile.*

2. Ruoth oyiero jatich mogen kendo riek,
 Ma miwa chiemo sa makare.
 Ler mar adiera medore molooyo,
 Ma moro chunywa koda pachwa.
 Yorwa medo rieny, wabedo motegno,
 Wawuotho e ler modiechieng'.
 Jehova erokamano Wuon adier,
 Wan gi mor kwaluwo yoreni.

(Koras)

1. Nitiere buk makonyo joma some,
Okelo kuwe, mor gi geno ne ji.
Wechene te nigi teko mogundho;
Ma miyo ji yudo geno madier.
Bugno en Muma Maler mar Nyasaye.
Nondike gi joma Ruoth notayo,
Joma nohero Jehova gadiera,
Kendo ma roho e ma ne tayo.

2. Nene gindiko kuom chuech mag Nyasaye,
Kaka nochueyo polo koda piny.
Kaka richo ne onge e kar chakruok,
Kod kaka Paradiso ne olal.
Ne gindiko kuom malaika moro
Ma ne okwedo loch mar Nyasaye.
Akwede nokelo richo gi chandruok,
Machiegni Jehova biro locho.

3. Sani wadak e kinde mor mogundho.
Jehova locho gi Kristo Wuode.
Koro walando wach maber mar Pinyruoth
Waland ne ji geno mar yudo gueth.
Weche me bugno kelo mor madiera;
Weche maler ma mit e pidho chuny.
Gikelo kuwe modhiero dhano ng'eyo;
Bugni en Mwandu monego ji som.

1. Wach Jehova ema miyo,
 Wabedo mangima.
 Ok nikech gik ma wachamo;
 To nikech wechene.
 Ka wageno gueth mabiro,
 Wan gi kuwe koda mor.

(KORAS)

*Chiero kende ok chiw ngima;
 Mana Wach Nyasaye.
 Wayudo gik ma wachando;
 Nikech Wach Nyasaye.*

2. Weche madier mag Nyasaye
 Wuoyo kuom joma chon.
 Chwo gi mon ma ne nyiso yie—
 Osiepe Nyasaye.
 Ka wasomo kit ngimagi
 Wayudo jip madier.

(Koras)

3. Somo Wach Nyasaye pile,
Miwa geno gi hoch.
Wayudo rieko mar nano,
Ka tembe yudowa.
Wageno gi chunywa duto
Gik ma wapuonjore.

(Koras)

98 *Ndiko Okudh gi Much Nyasaye* (2 Timotheo 3:16, 17)

1. Wach Nyasaye en kaka ler,
Ma menyo mudho me piny.
Ka waluwe gi chunywa te,
Adiera mare gonyowa.
2. Nyasaye miyowa wachne,
Dwarone opuonjowa.
Wechene bende jiwowa,
Mondo warie weche duto.
3. Kuom Ndiko ma noa malo,
Waseng'eyo herane.
Ka wasome kinde duto,
Wechene biro ritowa.

1. Gana mang'eny mag owete,
Gipong'o kuonde te,
Giduto gin jolendo
Ma timo makare.
Nyimine gi owete,
Kwan margi medore,
Wawuok e pinje kuonde duto,
Wapako Nyasachwa.
2. Gana mang'eny mag owete,
Walendo kuonde te
"Weche mokow mabeyo,"
Ji gombo winjogi.
Kaka wamedo lendo,
Kinde moko waol,
Yesu duogo chuny joma ool;
Omiyowa yueyo.
3. Gana mang'eny mag owete,
Nyasaye ritowa,
Kaka jotichne me piny,
Kwatyione pile.
Nyimine gi owete,
Walando wach Pinyruoth,
Watiyo kachiel gi Nyasachwa,
Kwatyione e piny.

1. Jehova nyiso ji duto herane.

Orito ji duto, ok obuon ng'ato.

Ochiwo koth gi chieng', ma ok otuon ng'ato;

Omiyo chunywa chiemo gi mor.

Sama wanyiso ji ni pile wang'won,

Waluwo Nyasaye kaka nyithinde.

Wuonwa biro chulo ber duto mwatimo,

Kwanyiso ng'wonowa madiera.

2. Ok wanyal ng'eyo ber ma nyalo bedo

Kinde ma wakonyo joma chandore.

Wakonygi e chandruok, kata ka gin welo,

Pod wabiro mana rwakogi.

Mana kaka Lidia, wanyisgi ng'wono.

Sama gilimowa, gibedo mamor.

Nyasaye ong'eyo jogo duto me piny,

Mang'won gi ji duto kaka en.

101 *Wati Kanyachiel gi Winjruok* (Jo-Efeso 4:3)

1. Nyasaye rwakowa e kweth.
Ka ogolowa e kind piny,
Wan gi kuwe gi winjruok madier,
Ma miwa mor mang'eny.
Riwruogno wahero;
Winjruogno ober.
Tij Nyasaye ng'eny ma ditim.
Wuode koro tayo joge.
Watine ka wamiye luor,
Winjruok emotawa.
2. Wakwaye winjruok obedie,
Kendo temo bedo mang'won,
Hera dongo, pak medore,
Wayudo mor gi kuwe.
Kuwe ma duogo chuny ji,
Kendo kelo mor.
Ka wanyiso hera madier,
Nyasaye biro miwa kuwe
Mondo winjruokwa omedre,
Watine nyaka chieng'.

1. Waduto wan gi nyawo
Wan joketho te.
Pod Jehova ritowa,
Pod oherowa.
En jang'wono adier;
Herane ogundho.
Wan bende wanyis hera,
Kwakonyo jochan.
2. 'Owete moko nitie
man gi yie ma nyap.'
Wajiwgi gi wechewa,
Giyud kuwe gi hoch.
Joma onge teko,
Nyasaye tegogi.
Mad wawinj lit mar chunygi,
Waywe pi wang'gi.
3. Kar kwedo joma ool,
Waket e pachwa
Yo maber mar tegogi
Kwanyiso ng'wono.
Watimuru kinda,
Mondo wamigi jip.
Ka wasirogi mang'won,
Wahoyo chunygi.

103 *Jokwath Gin Mich Momiwa* (Jo-Efeso 4:8)

1. Wuonwa chiwo joma konyowa,
 Jokwath orit kwethne.
 Giketonwa ranyisi maber,
 Ka ginyisowa yo.

(KORAS)

*Nyasaye chiwonwa chwo mogen,
 Joma gin jo adiera.
Girito rombe momiyogi;
 Wanyisgi hera madier.*

2. Jokwath moherowa dewowa;
 Gitayowa maber.
 Sama wahinyre gikonyowa,
 Wechegi ng'won adier.

(Koras)

3. Gimiyowa rieke koda siem,
 Mondo kik waba yo.
 Gikonyowa luwo Nyasaye,
 Watine mak waol.

(Koras)

***Roho Maler En Mich
ma Nyasaye Chiwo***
(Luka 11:13)

1. Ruodhwa Jehova, Wuoro mang'won chuth,
Iduong' moloyo chunywa morem.
Imiwa jing'o, miwa chuny mokuwe,
Imiwa hoch ma rohoni chiwo.
2. Wuonwa, waduto warem kuom duong'ni;
Kinde moko warwenyo yori.
Ruodhwa wakwayi: Kiyie imiwa
Rohoni mondo otawa pile.
3. Sama waol kendo ka wanyosre,
Iduogo chunywa gi tekoni.
Miwa teko wahu ka otenga;
Yie imiwa roho mari maler.

1. Nyasaye dware waduto,
‘Wawuothi e herane.’
Ka wanyiso hera mare,
Wabiro bedo mang’won.
Mano e ngima Jokristo,
Ngimano ma wadwaro.
Herano kaka mar Kristo,
En hera ma ok norem.
2. Hero Nyasaye gadiera,
Miyowa waherore.
Ka wakier to okonyowa,
Tekone miyo wachung’.
Hera ler, ok bed gi nyiego,
Hera ng’won ndalo duto.
Wadhi nyime nyiso hera,
Wang’e hera madiera.
3. Kik iwe mirima loyi,
Kik iwe ochik chunyi.
We Nyasaye e motayi,
Kendo puonji chikene:
Hero Nyasaye gi ji te
E ma chopo chik duto.
Herano wanyis ji duto,
Herano en mar adier.

1. Walamo Nyasachwa gi bolruok,
Wabed gi kido kaka mage.
Kido maduong' molooyo duto
En hera, ma rohone chiwo.
Ka wan gi mich, rieko, kata chir,
To waonge hera, en kayiem.
Walam wayud herano madier;
Wanyis e weche gi timbewa.

2. Herawa miyo wachiwore,
Kendo waparo jomamoko.
Hera onge paro mar sigu,
Hera ng'wono ne ji duto te.
Hera konyowa loyo richo,
Kendo nyagruok gi pek mamoko.
Kuom tembe duto mwaromogo,
Hera dhil kendo hera ok rem.

107 *Nyasaye Ketonwa Ranyisi mar Hera*

(1 Johana 4:19)

1. Jehova Wuonwa ketonwa ranyisi
Mar hera, mar hera,
Gik motimonwa miyowa ranyisi,
Mar herane, mondo waluw.
Ne ochiwonwa Wuode ma miderma,
Mondo oumnwa timbewa ma mono.
Mano e hera—ranyisi maduong' chuth
Yo mar hera, En yor Nyasaye.
2. Yorene miyo hera mar owete
Bet madier, madiera.
Mi waikore konyo owetewa
Kik wabuon-gi, wamigi kony;
Hero Nyasaye kachiel gi owete,
Mano ranyisi mar hera madiera,
Waweyo ne ji both matindo duto,
Wanyis hera, Waher owete.
3. Ranyisi maber, hera mar Nyasaye
Riwowa, kanyachiel.
Wuonwa me polo, rwakowa waduto,
Wabi wane, Riwrwok madier.
Bi une hera gi mor ma wanyiso;
Roho Nyasaye gi Wachne pwodhowa.
Owete nitie ma paronwa pile,
Yo mar hera, Hera Nyasaye.

1. Nyasaye en hera.

Herane waneno maler.
Nyasaye nochulo rawar,
Ka ne ochiwonwa Wuode,
Ne omiyowa geno mar,
Ngima ma nyakachieng' gi mor.

(KORAS)

*Un duto man gi riyo
Bi umodhi pi ngima.
Bi umodhi pi nono;
Hera mang'won adier.*

2. Nyasaye en hera.

Tijene nyiso herane.
Ne onyisowa herano,
Ka ne oketo Kristo Ruoth,
Gik ma nodwaro timore,
Pinyruodhe locho e polo.

(Koras)

3. Nyasaye en hera.

Rohone osemiyowa.

Wakonyo ji duto mamuol,

Ka giluwu chik Nyasaye.

Watine Nyasaye gi luor,

Ka walendo gi chir duto.

(Koras)

109 *Waherreuru Koa e Chunywa*

(1 Petro 1:22)

1. Ka herawa ler kendo tut,
 Jehova mor gi herawa.
Hera e kidone maduong',
 Kite ma wageno.
Chunywa bende bedo mamor,
 Ka wabedo osiepene.
Hera ok dwar mare kende,
 Wanyis hera madier.

Wadwa ka nigi chandruok,
 Wanyiso hera ka wakonye.
Wabed osiepe madier,
 Ka wakonyo ji duto.

Yesu ne osepuonjowa,
 Wang'e hera mar Jehova,
Herane nomulo chunywa.
 Wan be waherreuru.
Wakony joma chandore.

(Nehemia 8:10)

1. Waneno gik ma nyiso Pinyruoth biro,
Wachno waland ne ji duto.
Ting' wiu malo resruok maru biro;
Kinde mag warruok ochopo!

(KORAS)

*Ee, mor mar Jehova e tekowa.
Wakog matek, wawer gi mor.
Wanyis chuny mamor gi geno ma wan-go,
Waduto wapak Nyasachwano.
Ee, mor mar Jehova e tekowa.
Waland nyinge ne ji duto.
Wadhiuru nyime timo dwarone,
Wabeduru mamor gi tije.*

2. Un jo Jehova, genuru Nyasachwa.
Be kik uluor, en gi teko.
Wachung'uru wawer gi dwol ma malo;
Wer ne Jehova ka wamor!

(Koras)

111 *Gik ma Miyo Wabedo Mamor* (Mathayo 5:12)

1. Gik ma morowa ng'eny adiera,
Ka mwandu ma nengogi tek.
Dhano ma wuok e pinje duto
Riwo lwedo lamo madier.
Mor man e chunywa ber adiera,
Wategno e Wach Nyasaye.
Pile wayudo puonj mabeyo;
Gik mwawinjo tegonwa yie.
Mor ma wan-go en mor ma siko,
Kaka mach ma liel e chunywa.
E chandruok gi pek ma wayudo,
Jehova konyowa nano.

(KORAS)

*Wapako Jehova gi mor,
Tich luetene duto beyo.
Riekone be tut, tijene dongo,
Gipong' gi teko, gibeyo!*

2. Wamor neno gigo mochueyo,
Polo, gi nembe, koda piny.
Warango gigo ma nochueyo,
Wadwoko erokamano.
Wail ka wabedo Joneno,
Ma lando Pinyruodh Nyasaye.
Guethgo ma Pinyruoth biro kelo,
Walando e piny ma ngima.
Mor mosiko kayo machiegni,
En singo ma nyaka wagen.
Piny gi polo manyien mosingi
Biro kelo mor mosiko.

(Koras)

1. Wuonwa, Nyasach hera
Isesingo miwa kuwe.
Yie imiwa roho mari,
Wamed nyago olembe.
Wayie kuom Yesu Ruoth;
Ma jahera gadiera.
Emomiyo in osiepwa
Kendo wan gi kuwe kodi.
2. Rohoni konyowa
Neno ler mimiyowa.
Itayowa, iritowa,
Kata mudho pong'o piny.
Kinde osechopo
Ma lwenje biro rumo,
Yie imiwa roho mari
Wasiki ka wan gi kuwe.
3. Kuom rohani maler,
Ichoko jomihero,
Man e polo koda me piny
Gilando ne ji lochni.
Lochni en makare
Enotiek lwenje duto.
Joma muol to iniguedhgi
Gi ngima ma nyakachieng'.

1. Wapakuru Jehova,
Nyasaye wuon kuwe.
Obiro tieko lwenje,
Kokelonwa kuwe.
Ruodh kuwe en Kristo Wuode,
En omuol, ong'won.
Kosetieko loyo lweny,
Kuwe biro betie.
2. Waseweyo wach mager,
Waseweyo dhaw.
Waseloko gige lweny,
Gibedo mag kuwe.
Ka wadwaro rito kuwe,
To wang'won ne ji.
Wapuonjre wadag gi kuwe,
Ka rombe Yesu.
3. Kuwe ma wuok kuom Nyasaye,
Nyiso ji duto.
Ni kwaluwo chikene
Omiyowa gueth.
Wanyiso ji duto te,
Yorene mag kuwe.
Nyaka chop chieng' ma Pinyruoth
Nokel kuwe e piny.

1. Ruodhwa ma en Jehova
Rito nyinge bedo maler.
Odwaro pwodho nyinge
Mondo nyinge obed maler.
Osenano ahinya,
E kinde mosekalo,
Osenyisowa hera,
Ni mar en ng'ama ng'won.
Odwaro tienge duto
Oresgi e richo duto.
Nyasaye nyiso horuok
Kido ma ok bi dhi nono.
2. Wuotho e yor Nyasaye
Dwaro wahore seche te.
Kit horuok miyowa kuwe,
Ogeng'onwa timbe mager.
Omanyo ber kuom dhano,
Kinde te ogeno ber.
Ok odwar ni wachwanyre
Sama waparore.
Wanyiso kido moko
Ma roho konyowa nyago,
Ka waluwo kit horuok
Nyasaye biro bet mamor.

115

*Wago Erokamano Nikech
Horuok mar Nyasaye
(2 Petro 3:15)*

1. Jehova in e wuon teko te,
Timbe makare beyoni.
Richo opong' e piny sani,
Miyo wawinjo rem matut.
Ok itim mos kaka ji paro;
Giko horuokni chiegni chopo.

(KORAS)

*Wang'iyi in e genowa,
Erokamano kuom horuokni.*

2. Higni gana achiel kokalo,
Chalni ndalo achiel kende.
Odiechiengi maduong' chiegni;
Biro chopo ma ok lew ngang'.
Kata isin gi richo duto,
Chunyi mor ka joricho lokre.

(Koras)

1. Wapaki A Ruoth gi chunywa duto,
Nikech Muma wacho:
Kata tekoni gi riekoni ng'eny,
Iherowa kendo ing'won.
2. Wuodi gwelo joma chunyi ool
Mondo gibi ire.
Jok mare be yom to chunye be muol,
Odembore kendo omuol.
3. Nyasachwa gi Yesu nopuonjowa,
Wabed jogo mang'won.
Ka wabet mang'won e timwa duto
Wabedo jogo motegno.

1. A Jehova in Nyasach ber
Kinde te iguedhowa.
In iler e hera mari,
Yoreni beyo duto.
Ikechowa, iherowa,
Inyisowa ber mang'eny;
Owinjore ka walami
Ni watiyoni gi mor.
2. Isenyiso berni duto
E jogi miseyiero
Kendo timgi nyiso berni,
Ka gilando wach maber.
Waneno e pinje duto,
Puonj michiwo gi jorit.
Yie imiwa roho mari,
Kendo tawa gi berni.
3. Yie iguedhwa wanyis berni
Ni owetewa duto.
Wanyisgi hera madiera,
Watim ber ne ji duto.
E kanyakla gi joodwa
E alworawa bende,
Yie iguedhwa, miwa roho,
Wanyis ji kido mar ber.

1. Nikech wan joma orem, A Jehova,
Paro ma wan-go e chunywa obam.
Nitie richo ma nyalo duodowa Ruoth;
En lalo yiewa kuomi Nyasachwa.

(KORAS)

Imedwa yie, wakwayi, A Jehova.

*Yie ikonywa nikech wan jo morem,
Imedwa yie, wageno ng'wono mari,
Timbewa, wechewa, omiyi duong'.*

2. Ka waonge yie to ok wanyal mori.
Wang'eyo ni iniguedh yie marwa.
Yie en okumba ma konyowa kedo.
Wang'iyo nyime gi chir, ok waluor.

(Koras)

1. Chon ka ne Nyasaye wuoyo gi ji
Notiyo gi jonabine.
Kawuono owacho 'lokreuru.'
Kotiyo gi Kristo Ruoth.

(KORAS)

Bende wan gi yie mar adier?

Yieno e ma nomi wakwo.

Bende timwa nyiso yiewa?

Yiewa ema biro miwa resruok.

2. Wamor luwo chik mar Yesu Kristo,
Lando adiera kuonde te.
Wamiyo ji geno ka wan gi chir;
Singo mare ok wapand.

(Koras)

3. Wan gi yie motegno mak yiengini;
Luoro ok bi dwokowa chien.
Wagen kuom Jehova kendo wanan,
Wuonwa chiegni resowa.

(Koras)

1. Ruodhwa Yesu ne duong' mologyo ji te;
To sunga gi ng'ayi ne ok oloye.
Ting' mare ne en chopo dwach Nyasaye;
Notiyo kobolre gi chunye duto.
2. Ji duto mogangore gi ting' mapek,
Ochiwre kawo ting'-gi ma turogi.
Ka gimanyo Pinyruoth giniyud yueyo.
Ruoth ng'won kendo muol; omor gi joma muol.
3. Yesu wacho: 'Wan duto wan owete.'
Wagene otelnwa ka wabolore.
Ruoth Nyasaye geno joma chunyi muol;
Osingo ni gibiro bedo weg piny.

121 *Wabed gi Kido mar Ritruok*

(Jo-Rumi 7:14-25)

1. Wahero Jehova gi chunywa te;
To ritruok dwarore, waduto warem.
Gombo mag ringruok mayowa kuwe.
Kwadak kuom roho wayudo kuwe.
2. Satan temowa pile ka pile,
Richo be chikowa, miyo warwenyo.
Teko mar adiera to loye.
Jehova nyalo rito pachwa.
3. Watem kik waketh ne Nyasaye nying,
Nikech wach gi timwa bende miye duong'.
Waket pachwa kuom rito wachni:
Wabed moritre ndalo duto.

122 *Chung'uru Motegno ma Ok Uyiengni!*

(1 Jo-Korintho 15:58)

1. Masiche yudo ogendni duto.

Giluoro gigo ma pod chomogi.
Wabed motegno, kik wayiengini,
Kwatiyo ne Nyasachwa.

(KORAS)

*Wachung', kik wayiengini;
Wabed mabor gi gik piny,
Ka wachung' motegno
Wanadag nyaka chieng'.*

2. Obadho, tembe ogundho e piny.

Paro maler konyowa loyogi.
Kwachayo richo, waher adiera,
Onge gima noyiengwa.

(Koras)

3. Walam Nyasaye gi chunywa duto,

Kwabedo modich e tij Nyasaye.
Land wach maber kendo make matek.
Ndalogi chiegni kalo.

(Koras)

*Bolruok ne Chenro
ma Nyasaye Oketo*
(1 Jo-Korintho 14:33)

1. Jo Jehova lando e pinje duto
Adiera mag Pinyruoth koda ber mage.
Tiyo ne Nyasaye e ma riwogi,
Ka giluwu chenro moke tonegi.

(KORAS)

*Wabolorene gi chunywa duto,
Nyasachwa mwahero.
Omiyowa rit, onyisowa kech,
Wagene gi timbewa.*

2. Nyasaye ochiwo roho gi jarit,
Ma konyowa wuotho e yore Kristo.
Wamoro Nyasaye kik wayiengini,
Kuonde duto waland riekone ne ji!

(Koras)

*Wabed Machiegni
gi Jehova Ndalo Duto*
(Zaburi 18:25)

1. Ka wachiegni gi Jehova,
Wanyiso ni wahere.
Wan Joneno wanatine,
Wadwaro ng'eyo chikne.
Riekone noritwa pile,
Luwo puonjne konyowa.
Kinde duto ka wawinje.
Wan gadier ok wabi lal.
2. Ka wachiegni gi owete,
Konyogi ndalo chandruok.
Wanagen-gi, wanadewgi,
E weche gi timbewa.
Wamiyo owetewa duong'
Ka wachiwo luor matut.
Ka wachiegni kodgi pile;
Kik wabed mabor kodgi.
3. Ka wachiegni gi owete;
Owete ma tayowa.
Ka ginyiso yo makare,
Wanaluw gi chunywa te.
Wanayud gueth mag Jehova
Mi wabed jomotegno.
Ka wachiegni gi Jehova,
Kinde duto wan joge.

125 *Joma Mor Gin Joma Kecho Ji!*

(Mathayo 5:7)

1. Jehova wuonwa kechowa!
Kechne ohero nyisowa.
Ng'wono en kido mohero
Omiyowa gik mwachando.
Jomoweyo richogi te,
Jehova winjo kwayogi.
Okechogi kendo omuol
Ong'eyo ni wan gi nyawo.
2. Kwawinjo lit ne richowa;
Wakwayo Nyasaye ng'wono.
Yesu nopuonjowa lamo,
Wakwa Nyasaye okechwa.
'Wakwayi wenwa gopewa
Kaka waweyo gope ji,'
Mirima ok bi loyowa
Chunywa gi pachwa bet gi kuwe.
3. Kwachiwo michwa ne jochan
Ma ok wageno yudo pak.
Wamor gi mich ma wachiwo,
Wanyiso chuny mar kecho ji.
Joma nyiso kech niggi mor
Nyasaye kwanogi jochia.
Oneno timbewa duto;
Noguedh chiwo ma wagolo.

1. Rituru, ubed motegno,
 Ng'ad e chunyu mar nano.
 Beduru gi chir kutegno,
 Wan gadier gi loyo lweny.
 Waluwo chik mar Kristo Yesu,
 Wachung' motegno e bwo lochne.

(KORAS)

*Sikuru kubedo motegno!
 Dhi nyime nyaka giko!*

2. Rituru, beduru motang'
 Ikreuru winjo wach,
 Luwuru rieke mar Kristo
 Momiyo jatich mogen.
 Winjuru puonjgo mag jodongo,
 Ma rito kweth, jiwo adiera.

(Koras)

3. Rituru, ubed e achiel

Kukedo ne wach maber.

Kata ka ji kedo kodwa,

Walendo nyaka giko.

Land e piny duto gi dwol maduong'

Ni odiechieng Jehova chopo!

(Koras)

127 Onego Abed Ng'at Machalo Nade?

(2 Petro 3:11)

1. Ang'o ma nachuli, namiyi ang'o?

Jehova Nyasacha, ngima isemiya.

Anono chunya, ka atiyoyi gi Wachni;

Konya, mi anera maler, chal mar chunya.

Asesingorani mondo atini,

Atimo kamano nikech aseheri.

Ayiero tiyoni gi ngimana te;

Konya bet ng'ama miyo chunyi mor.

2. Konya, mi anonra, mi ane maler

Onego abedi ng'ama chalo nade.

Asiki kodi, in be isiki koda;

Abedi achiel kuom joma moro chunyi.

1. Singruoge mag Wach Nyasaye
Gikonyowa nano.
Gigo mipuonjri, mihero
Gin gik migeno gadier.
Ket pachi te kuom chieng' Ruodhwa,
Kitegno e yie madier.
Chung' motegno ndalo duto;
Tembe miyudo tegi.

2. Sik e hera ma chakre chon,
Herano kik olal.
Kata kikalo e tembe,
Nan kata tek manade.
Kata ka tem lich manade,
Kik iwe luoro loyi.
Jehova biro ritowa,
Nobed machiegni kodwa.

3. Joma nano nyaka giko
E ma Ruoth noresi.
Nondikgi e buk mar ngima,
Onge ng'ama diruchi.
We kido mar nano tegi;
Mondo ichop tiji chuth.
Nine ng'wono mar Jehova;
Nimor ka itiyone.

1. Bende nyalore

Wanan ka tembe yudowa?

Yesu ne osand

To ne ogeno yudo ber.

Noketo e pache

Singo mag Nyasaye.

(KORAS)

Yiewa wadwaro rito,

wanano e tembe.

Hera mare jiwowa,

Ema miwa nano nyaka giko.

2. Kinde masani

Miyowa lit to wakuyo;

Kata ka waywak,

Waneno ngima mosingo.

Wabiro bet thuolo,

Wanan ma ok waol.

(Koras)

3. Chunya ok bi ol

Bende ok wanabed maluor.

Wabiro tiyo

Ne Jehova nyaka giko.

Pod wanan mak waol.

Giko chiegni chopo.

(Koras)

1. Hera mar Jehova
 Nomiyo oresowa,
 Kendo wenwa richo duto,
 Kendo tiekonwa tho be.
Kwaloko chunywa gadiera,
 Enonyiswa ng'wonone
Kik waluor kwayo ng'wonone,
 Kuom rawar ma nochiwo.
2. Wayudo ng'wonone
 Ka watimo kaka en
 Wang'wono ne ji gadiera,
 Wahergi kwakechogi.
Wanano gi jowetewa,
 To mirima kik lowa;
Wachiw luor ne owetewa,
 Wanyisgi hera matut.
3. Ng'wono kido maber,
 Waduto mondo wanyag.
Ok nwamak sadha gi ng'ato,
 Sama wan gi mirima.
Luwo ranyisi Jehova,
 Herane gadiera ng'eny,
Ka wawe ne ji te ketho;
 Wachalo gi Nyasachwa.

131

*‘Gima Nyasaye Oseriwo
Dhano Kik Opog’*
(Mathayo 19:5, 6)

1. Tol mar tonde adek,
Otud gi luor gi mor,
E nyim ji gi Nyasaye,
Gitimo singogi.

(KORAS)

*Gisingo ne Jehova,
Gibiro herore.
‘Nyasaye oseriwo
Dhano kik opogi.’*

2. Gisenono Wachne,
Gipuonjre dwarone,
Gimanyo gueth Nyasaye,
Mi gichop singogi.

(Koras)

1. Ma e chogo mar chokena,
Kendo ma ringruok mar ringrena.
Nyasaye omiya jakony,
Mondo obed mara.

Wasebedo ringruok achiel
Kendo wan gi gueth mag Jehova.
Koro wan dichwo gi dhako,
Wasebedo joot.

Wati ne Nyasachwa man malo.
Kendo notawa,
Wanyis hera madijera.

Watim kaka wasingore.
Kendo wabed gi kinde mag mor.
Luor duto wami Jehova,
Nasik kodi kinde duto.

133 *Lam Jehova ka Podi in Rawera*

(Eklestastes 12:1)

1. Wan rowere, wamoro Nyasaye;
Watiyone gi tekrewa duto.
Odwaro ritowa koherowa
Koguedhowa e ngimawa duto.
2. Luoro jonyuol ma rito ngimawa,
Miyo wawacho pachwa ma iye.
Kendo Nyasaye gi ji mor kodwa,
Wabedo machiegni gi Jehova.
3. Ka pod watindo wapar Nyasachwa;
Hera mar adiera wamed tego.
Wamoro chuny Jehova Nyasaye
Kwachiwore tiyone kwalame.

*Nyithindo Gin Mich
Moa Kuom Nyasaye*
(Zaburi 127:3-5)

1. Ka dichwo obedo janyuol
 Ka miyo bende onyuolo nyathi,
 Girito michno ka ging'eyo
 Ni michno ok margi kendgi.
 Michno oa e lwet Jehova;
 En e mochiwo ngima gi hera.
 Opuonjo jonyuol tayo nyathi
 Ka gitiyo gi yo mar riekö.

(KORAS)

*Osemiu mich maber chutho;
 Mondo urit michno maber.
 Puonj makare munyalo migi,
 En puonjogi chik Nyasaye.*

2. Chike duto mag Nyasaye,
 Nyaka bed e chunyu ndalo duto.
 Nunyisgi nyiu gi yawuotu;
 Ma e migawo ma nurit.
 Nuwachnegi kuwuotho e yo,
 Kudhi nindo kendo kua malo.
 Kinde ma bang'e gipar puonjgo,
 Giher Nyasaye, omigi gueth.

(Koras)

Kwayo mar Jehova:
“Wuoda, Bedi Mariek”
 (Ngeche 27:11)

1. In wuoda, in nyara miya chunyi duto,
 Mondo jasika ma jara bende one.
 Tekoni gi chiwruokni te isemiya;
 Inyiso piny duto idwa timo dwacha.

(KORAS)

*Wuoda mogen, nyara mahero,
 Ibed mariek, imor chunya.
 Yier tiyona nikech ihera,
 Mondo ipak nyinga pile.*

2. Itina gi chunyi duto kendo kimor,
 Kichwanyori ma ipodho anasiri.
 Ka ng’ato ochwanyo chunyi kata wuondi,
 Bed ka ing’eyo ni aheri gadiera.

(Koras)

1. Wageno Jehova nikech ong'eyo
 Joma tiyone gadiera.
 Ong'eyo ni kinde moko kindagi
 Nyalo kelo pek ma nokor.
 Kiweyo odi koda osiepeni,
 Jehova neno gadiera.
 Omiyowa riwruok mar owetewa
 Gi geno mar dak nyaka chieng'.

(KORAS)

*Jehova Nyasaye nomiye pok;
 Kendo noguedh tije mitiyone.
 Mondo iyud kar bwokni ire.
 Jehova wageno; en ja adiera.*

2. Kit ngima mwadak sa moro wawinjo;
 Ka pek mohingowa ting'o.
 Gik ma chandowa bende miyo waol,
 Ma ok wanyal bedo gi kuwe.
 Nyasach hoch duto neno kaka ichal,
 Obiro winjo lamoni.
 Wachne, rohone gi osiepe madier
 Gibiro miyi hoch gi rit.

(Koras)

*Mon ma Nohero Nyasaye,
Nyiminewa ma Jokristo*

(Jo-Rumi 16:2)

1. Sara, Maria, Esta, Ruth gi moko,
 Mon mohero Nyasaye kendo mariek.
 Ne gipako Nyasaye e ngimagi.
 Mon mogen ma be wang'eyo nyingegi.
 Moko bende Jehova nohero,
 Nyingegi ok nondik, gin be ne gin gi yie.
2. Kido ma dhano duto ber kobetgo:
 Chir, gi ng'wono, gi ber, gi hera madier.
 Nyiminewa machon ne onyisogi.
 Giketo ranyisi ma kelonwa mor.
 Kamano nyimenewa ma sani,
 Ketonwa ranyisi ma onego waluw.
3. Mine gi nyiri, nyimine, mond liete,
 Ma timo kinda e chopo tijegi,
 Ma bidhore kendo chunyi obolre,
 Nyasaye mor kodu, kendo kik uluor.
 Jehova e ma mondo oritu,
 Beduru gadier chuth ni pok maru chiegni.

138 *Lwar En Osimbo mar Duong'* (Ngeche 16:31)

1. Wan gi joma hikgi ng'eny,
Jogo moseti.
E kindwa gisenano;
Pod gichung' matek.
Chwo gi mond liete nitie,
Tekogi dok chien.
Wuonwa wakwayi irit
Yiegi motegno.

(KORAS)

*Par yiegi, A Wuonwa
Kaka ginano.
Jiwgi kendo nyisgi:
"Utimo maber!"*

2. Lwar monwang' e yo madier,
En maber gadier.
Jehova mor gi ji te
Man gi yie madier.
Gin bende kinde moko
Ne gin rowere.
Ne gitiyo gi kinda
Ka ne pod gitek.

(Koras)

1. Temie paro, ka wan kodi;

Parie waduto e pinyno manyien.

Wanane ber ma nyaka chieng',

Kwadak gi kuwe, gi thuolo madier.

Onge ng'ato ma jaricho;

Loch mar Nyasachwa ok nyal rem ngang'.

Kinde nochop mar loso pinyini manyien,

Wawer wende pak ma chunywa biro pong'go:

(KORAS)

"Jehova Wuonwa itimo maber!

Gik moko te nyien kuom loch mar Wuodi.

Chunywa opong' gi wendewa mwapakigo;

Duong' duto, gi luor koda pak gin magi te."

2. Koro parie, ka wan kodi,
E Paradiso ka piny koro nyien.
Gik mwaneno, gi mwawinjo
Ok ginimi wabedo ma luor.
Gik mosingi chopo kare;
Ochungonwa hemane maler,
Eka enochier joma nindo e tho;
Giriwre kodwa wero pak ne Jehova:

(Koras)

140 *Ngima ma Nyaka Chieng'!*

(Johana 3:16)

1. Par ane, Paradiso
Dhano kodak kanyachiel.
Lit orumo, kuwe nitie!
Ngima ma onge rem.

(KORAS)

*Wawer gi chuny mamor!
Wan be wanyalo dak
E kindego ma nwawach,
“Ngima ma nyaka chieng’!”*

2. Ji duto biro bedo,
Gi winjruok gi Jehova.
Tiyo gi ywak gi chandruok,
Biro rumo duto.

(Koras)

3. Ji te mor, Paradiso
Ka wapako Jehova.
Ngimawa te, wamiyo
Nyasachwa pak gi luor.

(Koras)

Ngima En Hono

(Zaburi 36:9)

1. Nyathi ma pod yom kata koth ma chue,
Chieng' ma chiwo ler e piny ma nyago cham,
Michgo duto te, Nyasaye chiwo.
Hono mage e ma rito chuechne pile.

(KORAS)

Koro watim ang'o gi michno maber?

Waher Jal mochiwe kendo wagene gadier.

Kata watim ang'o, tek mondo wang'iewe.

Ngima en mich maber—Ee, ngima en hono.

2. Jomoko nyosre, kendo chunyi ol,
Giwacho ka chi Ayub: 'Yanye itho.'
Ok wawach mano. Wapak Jehova,
Wagoyone erokamano kuom ngima.

(KORAS)

Koro watim ang'o gi michno maber?

Waher ji duto te kendo wadewgi gadier.

Kata watim ang'o, tek mondo wang'iewe.

Ngima en mich maber—Ee, ngima en hono.

142 Wamak Motegno Geno Marwa

(Jo-Hibrania 6:18, 19)

1. Ji osebedo ka wuotho ma onge ler.
Gik ma gilawo gin ma kayiem nono.
Ketho mag ji koro nere e lela.
Nikech girem ok ginyal resre.

(KORAS)

*Wer Ka imor ni Pinyruoth ochopo!
Kristo koro locho miyo ok waluor.
Kristo notiek gik maricho duto;
Ma e genowa mwarito, mosegur.*

2. Walando ni, “Odiechieng Nyasaye chiegni!”
Ji ok bi ywagre ni: “Nyaka karang’o?”
Nyasaye chiegni reso chuechne duto.
Wapak Nyasachwa gi wer mamit.

(Koras)

143 *Tiuru, Nenuru, Kendo Rituru* (Jo-Rumi 8:20-25)

1. Nyasachwa ma en Jehova
Matayo kinde gi ndalo,
Waneno ranyisi duto
Obiro pwodho lochne.

(KORAS)

*Koro tiuru kendo nenuru,
Gi mor ka ugeno yudo,
Ngima mosesingonwa.*

2. Kinde bura noseket chon,
Yesu koro chiegni locho.
Jogo duto ma ne kwede;
Obiro loyogi te.

(Koras)

3. Kata wachur kuonde duto,
Waketo yie ka warito.
Chieng' ma Nyasaye nomiwa,
Bedo thuolo maradier.

(Koras)

1. Ka wenge muofni noyawore
 Ka rodin bende nowinj weche,
 Ka nyithindo wer gi mor madier,
 Ka piny opong' gi mor gi kuwe,
 Ka jomotho bedo mangima,
 Ka gichier e piny ma onge lweny,

(KORAS)

*Inine wach Nyasaye chopo,
 Kigeno gadier yudo mich.*

2. Ka ondiek kod rombe dak gi kuwe,
 Dubu be gi roya oyo chieng',
 To nyathi matin nokwagi te,
 Giwinge ka oluongogi.
 Ka pi wang'wa ok nochwer kendo,
 Luoro be gi rem oserumo,

(Koras)

145 *Paradiso ma Nyasaye Osingo* (Luka 23:43)

1. Paradiso Nyasachwa singo,
Kokalo kuom Loch mar Wuode,
Richo duto obiro golo,
Otieknwa tho, gi yuak gi rem.

(KORAS)

*Paradiso biro bedo.
Waneno ma ka wan gi yie.
Yesu biro chopo singo,
Omor timo dwach Nyasaye.*

2. Odong' matin, Nyasaye singo,
Wuode biro chiero dhano.
Nobed kaka Yesu nosingo:
'Nibed koda e Paradis.'

(Koras)

3. Paradiso Ruodhwa nosingo.
Kendo sani en Ruoth mar piny.
Pile wadwok erokamano,
Ne Nyasaye gi chunywa te.

(Koras)

146 *Gik Moko Duto Bedo Manyien*

(Fweny 21:1-5)

1. 'Ranyisi ma ndalogi' nyiso maler,
Ni Wuod Nyasaye osechako loch.
Polo koro ler, onge kar jachien,
Wawe dwach Nyasaye ochop kare.

(KORAS)

*Wamor! Nyasaye dak gi ji,
Hema mare noket negi.
Rem duto, nduru, ywak, biro rumo,
Kuyo gi tho bende biro rumo;
Nyasaye wacho: 'Achueyo manyien.'
Wagen wechego adier.*

2. Ji te one Jerusalemno Manyien,
Miaha Nyarombo ka rieny maler.
Orwake gi kite ma neng-gi tek,
Jehova ema bedo ler mare.

(Koras)

3. Dalano maler biro miyo ji mor,
Rangeye noyaw odiechienge te.
E lerne ogendni biro wuotho,
Jotich mag Nyasaye girienny gi ler.

(Koras)

147 *Ngima ma Nyaka Chieng' Osing* (Zaburi 37:29)

1. Ngima mosiko osingi.
Piny nosiki nyaka chieng'.
'Joma tir nodag e pinyini.'
Genoni en madier.

(KORAS)

*Dak ngima mosiko,
Dwaro kinda duto.
Nyasaye osingo,
Nyaka chop kare.*

2. Paradiso kosedwoki,
Jehova golonwa twech,
Nyasachwa ema notawa,
Kuwe obedie e piny.

(Koras)

3. Chier mar jogo motho chiegni,
Kuyo be biro rumo,
Nyasaye nonyiswa hera,
Pi wang' duto noywe.

(Koras)

1. Jehova isenyiso ni in Nyasaye;

Tijeni pong'o piny,
gi polo, koda nam.

Onge nyasaye moro
ma rom kodi e teko.

Iniketh wasikwa.

(KORAS)

Jehova chiwo resruok ne jo moyie.

Jotichne biro neno kaka en Lwanda.

*Wan gi chir kod yie kuom Nyasachwa,
ka walando*

*Ni Jehova, Jal ma resowa,
wanapake.*

2. Kata tonde mag tho otueya analuong,

“Jehova, miya chir,
kendo miya teko.”

Ka in e hekaluni,
yie igeng'a akwayi:

“Resa, yaye Wuora.”

(Koras)

3. Dwondi biro mor matek
ka wuok e polo.
Wasiki notetni;
Jotichni biro mor.
Nitim gima idwaro,
kendo ji te noneni
Ka ireso jogi.

(Koras)

1. Wer ne Jehova, nikech oseting' nyinge malo.
 Osewito e pi Jo-Misri ma sungore.
 Wapak Jehova,
 Nyasaye kende mar adiera.
 Jehova e nyinge;
 Koro oseloyo lweny.

(KORAS)

*Jehova Nyasaye ma malo,
 Nyasaye ma ok lokre nyaka chieng',
 Ichiegni Iwaro wasiki duto
 Mondo nyingi obed maler.*

2. Ogendni duto, koro kwedo Loch mar Jehova.
 To ginine wich-kuot, Kata bedo ni gitek.
 Chieng' bura biro;
 Jogo ok bi tony Har-Magedon.
 Ji te chiegni ng'eyo
 Ni Jehova e nyinge!

(Koras)

150

*Dwaruru Jehova
Mondo Uyud Warruok
(Zefania 2:3)*

1. Jo pinyini riwore,
Gikwedo Wuod Jehova.
Nyasaye emosechiko
Ni loch mar dhano orum.
Loch dhano oseketh;
Pinyruoth siko nyaka chieng'.
Kristo noketh wasikwa e piny.
Notim mano mapiyo.

(KORAS)

*Dwar Nyasaye mondo itony,
Manye ka in gi adiera.
Tim gima kare,
Nyis ni in jadier,
Riw lwedo Jaloch gi lochne.
Mondo Nyasaye oresi
Gi bade matek.*

2. Jo piny sani yiero,
Ka be giyie rwako wach.
Wamiyo ji duto thuolo
Winjo kata tamore.
Kata wayudo sand,
Mano ok bi miwa luor.
Ruodhwa norit joge mogene;
Obiro winjo ywakwa.

(Koras)

1. Ngima dhano en mar ndalo matin,
 Ngima machuok mak siki.
 Wanyalo tho mi karwa lal nono,
 Ma kelo ywak gi kuyo.
 Ka dhano otho, dobed mangima?
 Nyasaye osingonwa:

(KORAS)

*Enoluong; mi giniwinje.
 Ginidag kuom tekone,
 Chutho nikech ohero
 Tich duto mag lwetene.
 Bed gi yie, kik chunyi chandre,
 Nyasachwa enochierwa,
 Mondo wadag nyaka chieng',
 Kaka tich mar lwetene.*

2. Nyasachwa ok nowit osiepene,
 Kata bed ni gisetho.
 Jomotho te mane timo dwache,
 Gibiro duogo kendo.
 Bang'e wanayud ngimano maber:
 Paradiso nyaka chieng'.

(Koras)

Indeks Mochan Kaluwore gi Alfabet:

- “An Ka; Ora” 75
Bed Mamuol Kaka Kristo 120
Beduru gi Chuny mar Rwako Ji 85
Bi Ichung’ Kor Jehova! 32
Biuru e Got mar Jehova 24
Biuru! Uyud Yueyo 87
Bolruok ne Chenro ma
 Nyasaye Oketo 123
Bug Nyasaye En Mwandu 96
Chiemo Modhiambo mar Ruodhwa 19
Chik Iti, Iwinj, Mondo Oguedhi 89
Chiwruok mar Jokristo 52
Chuech Pako Nyasaye 11
Chung’uru Motegno ma Ok
 Uyiengni! 122
Chwoyo Kodhi mag Pinyruoth 68
Dhiuru Nyime! 65
Dhiuru Nyime Kulando Wach
 Pinyruoth! 69
Dhiuru Nyime, Un Joneno! 61
Dwaruru Jehova Mondo Uyud
 Warruok 150
“Ee, Adwaro” 17
Erokamano Jehova 46
Gen Yudo Mich 144
Gik ma Miyo Wabedo Mamor 111
Gik Mabeyo Miwuoro ma Nyasaye
 Ochueyo 5
Gik Moko Duto Bedo Manyien 146
‘Gima Nyasaye Oseriwo Dhano
 Kik Opog’ 131
Guedh Chokruogewa 93
Hera mar Nyasaye 108
Horeuru Mos 114
Ikruok ne Lendo 53
Jehova Chako Locho 23
Jehova Chiwo Resruok 148
“Jehova e Jakwadha” 4
Jehova e Nyasaye Maduong’ 12
Jehova e Tekowa Kendo e Genowa 3
Jehova En Kar Bwokwa 8
Jehova En Nyasach Kuwe 112
Jehova En Ruodhwa! 9
Jehova En Tekowa 7
Jokwath Gin Mich Momiwa 103
Joma Mor Gin Joma Kecho Ji! 125
Joma Nyasaye Oyiero 25
Ket Ting’ Mari Kuom Jehova 33
Kido mag Jehova 1
Kido mar Ber 117
Kik Uluorgi! 55
‘Konyuru Joma Yomyom’ 102
Kristo En Ranyisi Marwa 13
Kuwe En Mwanduwa 113
Kwayo mar Jehova:
 “Wuoda, Bedi Mariek” 135
Lam Jehova ka Podi in Rawera 133
Lamo mar Erokamano 43
Lamo mar Jatich Nyasaye 42
Lamo mar Ng’at ma Chandore 44
Lamona mar Chiwruok 50
Land Wach Maber 66
Land Wach Nyasaye ne Ji Duto 57
Lando Adiera mag Pinyruoth 72
“Landuru Wach” 67
Lendo “Ot ka Ot” 83
Lendo Reso Ngima Ji 60
Ler e Piny Manie Mudho Mandiwa 77
Ler Medo Rieny 95
Lwar En Osimbo mar Duong’ 138
“Ma e Yo” 54
Mako Osiep gi Jehova 28
Manyo Joma Ohero Kuwe 58

Miwa Chir 73
 ‘Miwa Yie Momedore’ 118
 Miyo Chuny Jehova Mor 49
 Mon ma Nohero Nyasaye,
 Nyiminewa ma Jokristo 137
 Mor ma Jehova Chiwo 110
 Nano Nyaka Giko 128
 Ndiko Okudh gi Much Nyasaye 98
 ‘Ne Kaka Jehova Ber’ 80
 Ne Utimona 26
 Ngima e Piny Manyien 139
 Ngima En Hono 141
 Ngima ma Nyaka Chieng’! 140
 Ngima ma Nyaka Chieng’ Osing 147
 Ngima mar Japainia 81
 Nichiwo Wuodi ma Miderma 20
 Nyaka Puonjwa 86
 Nyaka Wabed gi Yie 119
 Nyasaye Biro Miyi Teko 38
 Nyasaye Chiegni Fwenyonwa
 Yawuote 27
 “Nyasaye En Hera” 105
 Nyasaye Ketonwa Ranyisi mar
 Hera 107
 Nyasaye Noluonggi 151
 Nyingi En Jehova 2
 Nyithindo Gin Mich Moa
 Kuom Nyasaye 134
 Onego Abed Ng’at Machalo
 Nade? 127
 Ot Miluongo gi Nyingi 92
 Owetewa Ng’eny Ahinya 99
 Pakuru Jehova Nikech Wuode
 Mowir 16
 Pakuru Jehova Nyasachwa! 10
 Pakuru Ruoth Manyien mar Piny 14
 Pakuru Wuod Jehova Makayo! 15
 Paradiso ma Nyasaye Osingo 145
 Pinyruoth Osechako Locho
 —Wakwayo ni Mondo Obi! 22
 Pok Moa Kuom Jehova 136
 Polo Lando Duong’ mar Jehova 6
 Puonja Yoreni 88
 Puonjgi Gichung’ Motegno 79
 “Puonjo Wach Nyasaye” 78
 Rituru, Ubed Motegno 126
 Roho Maler En Mich ma Nyasaye
 Chiwo 104
 Rwakgiuru Maber 100
 Sikuru Kudwaro Mokwongo
 Pinyruoth 21
 Teko mar Ng’wono 116
 Tij Lendo Miyo Iwinjo Nade e
 Chunyi? 76
 Tijwa ma Nyiso Hera 91
 Tiuru, Nenuru, Kendo Rituru 143
 Tiyo ne Jehova gi Chunywa Duto 37
 “Uyang Gadier Gik ma Dwarore
 Moloyo” 35
 Wabed gi Kido mar Ritruok 121
 Wabed Machiegni gi Jehova
 Ndalo Duto 124
 Wabiro Dhi Nyime Nano 129
 Wach Jehova Miyowa Ngima 97
 Wachiwore Lendo e Okang’
 Malach 84
 Wachiwore ne Nyasaye! 51
 Wadag ka Luwore gi Nyingwa 29
 Wago Erokamano Nikech Horuok
 mar Nyasaye 115
 Wagoyo Erokamano Kuom Rawar 18
 Waherreuru Koa e Chunywa 109
 Wajiwreuru 90
 Walos Nying Maber gi Nyasaye 39
 Wamak Motegno Geno Marwa 142
 Wamany Joma Owinjore 70
 Wamor gi Wach Nyasaye 94
 Wan Jolweny mag Jehova! 71
 Wan Joneno mag Jehova! 63
 Wan mag Ng’a? 40

Wan Ringruok Achiel 132
Wanyag Kido mar Hera 106
Wapakuru Jehova 59
Warit Chunya 36
Wati Kanyachiel gi Winjruok 101
Wati Tij Keyo gi Mor 64
Wawe ne Ji Kethogi 130
Weche ma Aparo e Chunya 45
Wend Locho 149
Wer Manyien 62

Wer Wend Pinyruoth! 74
“Weuru Ler Maru Orieny” 82
Wuo gi Jehova e Lamo Pile 47
Wuora, Nyasacha, Kendo
 Osiepna 30
Wuoth e Adiera 56
Wuoth gi Jehova Pile 48
Wuoth gi Nyasaye 31
Wuoth Kiluwo Tim Makare 34
Yie Iwinj Lamona 41

